



**PLANU ASAUN NASIONÁL
VIOLÉNSIA BAZEIA BA JÉNERU
(2017-2021)**

**SEKRETARIA ESTADU BA APOIU NO PROMOSAUN
SOSIU-EKONÓMIKA FETO
(SEM)**

Mensajen husi Sekretaria Estadu ba Apoiu no Promosaun Sosciu-Ekonómika Feto



Governu Konstitusionál ba Dala VI asumi katak igualdade jéneru nu'udar kestaun transversal, ne'ebé tratamentu ba igualdade jéneru sai nu'udar kna'ar ida husi Governu tomak no rekere kolaborasaun no koesaun husi setór oi-oin sosiedade nian. Asumi mós katak violénsia bazeia ba jéneru hanesan asuntu ida-ne'ebé ita hotu la bele aseita iha sosiedade ne'ebé livre no tolerante, nune'e Governu kompromete an ba dezenvolve asaun sira hodi kombate tipu espesífiku violénsia ne'ebé sai nu'udar forma violénsia ne'ebé komún liu.

Violénsia bazeia ba jéneru mak kestaun ida-ne'ebé multifasetada no kompleksa, nune'e esforsu hodi prevene no kombate violénsia ne'e rekere abordajen abranjente ida. Prevensaun no resposta implica abordajen ida-ne'ebé multisetorál envolve liñas ministeriais hanesan Ministériu Saúde, Ministériu Solidariedade Sosiál, Ministériu Justisa, Ministériu Administrasaun Estatál, Ministériu Edukasaun, Sekretaria Estadu ba Komunikasaun Sosiál, Sekretaria Estadu ba Polítika Formasaun Profisionál no Empregu, no naturalmente PNTL, UNTL, Prokuradoria Jerál Repúblika, tribunál sira, comunidade sira no família sira. Hotu-hotu no ida-idak tenke kolabora ativamente no permanente hodi halakon violénsia bazeia ba jéneru liu dalan definitiva ida. Maske jeneralizada, violénsia bazeia ba jéneru entendida istorikamente nu'udar asuntu uma-laran nian, no foin dadauk ne'e hetan rekoñesimentu nu'udar kestaun públika no direitus umanus.


Sekretaria Estadu ba Apoiu no Promosaun Sosciu-Ekonómika Feto (SEM), kolabora ho Membru Governu sira-seluk, sosiedade sivil, ONG sira ho apoiu husi UN Women, UNFPA no TAF, elabora tiha ona Planu Asaun Nasionál kona-ba Violénsia Bazeia ba Jéneru (PAN-VBJ) ba períodu 2017-2021, ne'ebé luan liután ho reponsabilidade foun no barak liután, envolve parseiru barak liután nomós responde ho forma ativa no efikaz liután hodi hasoru realidade sosiál no kulturál foun iha Timor-Leste.

PAN-VBJ ida-ne'e dezenvolve tuir ordenamentu jurídiku nasionál no kompromisu internasionál nian, hanesan: Konvensaun Halakon Diskriminasaun Hotu-hotu Hasoru Feto (CEDAW), Konvensaun Internasionál kona-ba Direitu Sivil no Polítika sira (ICCPR), no Konvensaun Internasionál kona-ba Direitu Sosiál no Ekonómiku sira (ICESCR) no Konvensaun kona-ba Direitu ba Labarik sira (CRC).

PAN-VBJ ida-ne'e estabese pilar ka área prioridade estratéjika haat, hanesan: (i) prevensaun ba violénsia bazeia ba jéneru, (ii) prestasaun sevisu ba vítima, (iii) asesu ba justisa, (iv) koordensaun,

monitorizasaun no avaliasaun. PAN-VBJ nia objetivu mak hamenus no finalmente halakon violénsia bazeia ba jéneru ne'ebé afeta ba feto, mane no labarik sira iha ita-nia comunidade.

Aprovasaun Planu Asaun Nasionál Kona-ba Violénsia Bazeia ba Jéneru tinan 2017-2021 marka inísiu ida husi etapa foun luta kombate violénsia bazeia ba jéneru iha ita nia rai doben Timor-Leste. Etapa ida-ne'e ejize liután, maske ita bele hala'o ho susesu, sei karik ita hotu nu'udar Timor-oan hamutuk no responde ho hanoin ida deit. Kumprimentu ba Planu Asaun Nasionál kona-ba Violénsia Bazeia ba Jéneru depende ba ita ida-idak no ita hotu-hotu iha konxensializasaun no serteza kata kombate violénsia bazeia ba jéneru mak ita hotu nia obrigasaun. Hamutuk ita bele!



Veneranda Lemos

Sekretária Estadu ba Aposiu no Promosaun Sosiu-Ekonómika Feto



REPÚBLICA DEMOCRÁTICA DE TIMOR-LESTE

VI GOVERNO CONSTITUCIONAL

RESOLUSAUN GOVERNU N.º 25/2017

LORON 17 FULAN MAIU

Aprova Planu Asaun Nasionál Kontra Violénsia Bazeia ba Jéneru 2017-2021

Planu Asaun Nasionál kona-ba Violénsia Bazeia ba Jéneru (PAN-VBJ) ba tinan 2017-2021 mak hanesan revizaun ba dahuluk ba Planu, ne'ebé adopta no aprova ona iha tinan 2012 husi Rezolusaun Konsellu Ministru n.º 21/2012, loron 18 fulan Jullũ ne'ebé atu hala'o kompetênsia governativa sira ne'ebé prevista iha Lei Kontra Violénsia Doméstika – Lei 7/2010, 7 Jullũ.

Iha segmentu ida ne'e, Sekretaria Estadu ba Apoiu no Promosaun Siosiu-Ekonómika Feto, hanesan pilar prinsipal ba asuntu Igualdade Jéneru, avalia ona PAN-VBJ ba dahuluk iha tinan 2015 atu kompriende diak liutáan progresu sira ne'ebé atinje ona no define área prioritária sira hodi kombate violénsia bazeia ba jéneru.

PAN-VBJ 2017-2021 atu habelar kompromisu Governu hodi halakon violénsia bazeia jéneru iha Timor-Leste, bazeia ba implementasaun abordajen multi-setorál ne'ebé desenvolve ona tuir Lei Nasionál no kompromisu internasionál sira kona-ba Konvensaun Halakon Diskriminasaun Hotu-hotu Hasoru Feto (CEDAW), husi Konvensaun Internasionál kona-ba Direitu Sivil no Polítika (ICCPR), no Konvensaun Internasionál kona-ba Direitu Sosiál no Ekonómiku sira (ICESCR) no Konvensaun kona-ba Direitu ba Labarik sira (CRC). Importante atu hatete katak PAN-VBJ atu komplementa no suporta ba implementasaun enkuadramentu polítika sira, hanesan Planu de Asaun Nasionál kona-ba Rezolusaun

Konsellu Seguransa Nasoens Unidas 1325 kona-ba Feto, Dame no Seguransa, no planu Asaun Nasionál kona-ba Direitu ba Labarik.

Elaborasaun ba PAN-VBJ ida ne'e, hahú husi prosessu konsulta alargada, ba nível Nasionál no Munisipál, ne'ebé hala'o entre fulan Maiu to'o Jullü tinan 2016 liu husi entrevista, enkontru no kolokiu/workshops ho parte interesada prinsipais sira husi setór Edukasaun, Saúde, Solidariedade Sosiál, Seguransa, no Justisa, nune'e mós ho Linãs-Ministeriais sira, instituisoens nasionais, provedores servisu sira, organizasoens husi sosiedade sivil no parseiru dezvoltamentu sira. Hafoin ida ne'e remata, kontinua hala'o validasaun ba PAN-VBJ ne'ebé hala'o iha fulan Novembru 2016.

PAN-VBJ ida ne'e bazeia no dezenvolve ba akordu ho Prinsípiu Igualdade, Adezaun ba Prinsípiu no Obrigasaun Direitus Humanus, Prinsípiu ba Konsentimentu, Prinsípiu ba Informasaun, Protesaun no Seguransa, Obrigasoens Profisionais no regras konduta, husi Responsabilidade Governu no Abordajen sira ne'ebé entraliza ba vitimas sira no fornese mós abordajen ne'ebé komprehensivu liu, investe ba esforsu prevensaun violénsia bazeia ba jéneru, prestasaun servisu multi-setoriais ba vítima sira, asesu ba justisa, hanesan mós estabeselese mekanizmu koordenasaun nian atu asegura implementasaun planu ne'e ho efetiva, inkluidu monitorizasaun no avaliasaun. PAN-VBJ estabeselese pilar ka área prioridade estratéjika haat (4), hanesan (i) prevensaun ba violénsia bazeia ba jéneru, (ii) prestasaun servisu ba vítima sira, (iii) asesu ba justisa no, (iv) koordenasaun, monitorizasaun no avaliasaun ho objetivu mak reduz no finalmente halakon violénsia bazeia ba jéneru ne'ebé afeta feto, mane, no labarik sira iha ita nia comunidade.

Nune'e:

Governu rezolve, bazeia ba alínea a) husi artigu 116.º Konstituisaun Repúblika, hanesan tuir mai ne'e:

- Aprova Planu Asaun Nasionál Violénsia Bazeia ba Jéneru tinan 2017-2021, iha anexu.

Aprovadu iha Konsellu Ministru iha loron 7 fulan Fevereiru tinan 2017.

Publika.

Primeiru-Ministru,

Dr. Rui Maria de Araújo

PLANU ASAUN NASIONÁL VIOLÉNSIA BAZEIA BA JÉNERU (2017-2021)

ÍNDISE

Akrónimu	8
Definisaun	9
Kapítulu 1: Antesedénsia	12
1.1 Observasaun Jerál kona-ba PAN-VBJ	12
1.2 Observasaun Jerál kona-ba Violénsia bazeia ba Jéneru iha Timor-Leste	12
1.3 Enkuadramentu Legál	13
1.4 Metodolojia PAN-VBJ nian	14
1.5 Prinsípiu Orientadór kona-ba PAN-VBJ	15
1.6 Estrutura PAN-VBJ nian	16
1.7 Pilar PAN-VBJ	16
1.8 Objetivu PAN-VBJ.....	19
1.9 Kustu no Rekursu Finanseiru	21
Kapítulu 2: Planu 2017-2021 (Matriz)	22

AKRÓNIMU

AMKV	Asosiasaun Mane Kontra Violénsia
CEDAW	Convention on the Elimination of all Forms of Discrimination against Women (Konvensaun kona-ba Halakon Forma Diskriminasaun Hotu-hotu Hasoru Feto)
CFJJ	Centro de Formação Jurídica e Judiciária
DP	Defensoria Pública
FbF	Formasaun ba Formadór
FOKUPERS	Forum Komunikasaun ba Feto Timor Lorosa'e
GMPTL	Grupo das Mulheres Parlamentares de Timor-Leste
GPM	Gabinete Primeiru Ministru
IIMS	Integrated Information Management System (Sistema Jestaun Integradu kona-ba Informasaun)
INS	Instituto Nacional de Saúde
J SMP	Judicial System Monitoring Program/Programa Monitorizasaun Sistema Judisiál
KRR	Kuadru Rezultadu no Rekursu
LKVD	Lei Kontra Violénsia Doméstika
M&A	Monitorizasaun no Avaliasaun
ME	Ministériu Edukasaun
MI	Ministériu Interiór
MJ	Ministériu Justisa
MS	Ministériu Saúde
MSS	Ministériu Solidariedade Sosiál
MVF	Mane ho Visaun Foun
ONG	Organizasaun Naun-Governmental
OSS	Organizasaun Sosiedade Sivil
PCM	Presidência do Conselho de Ministros
PDHJ	Provedoria dos Direitos Humanos e Justiça
PJR	Prokuradoria Jerál Repúblika
PNTL	Polísia Nasionál Timor-Leste
POP	Prosedimentu Operasaun Padronizadu
PRADET	Psychosocial Recovery and Development East Timor (Rekuperasaun no Dezenvolvimentu Psikososial Timor-Leste)
RDTL	Repúblika Demókratika Timor-Leste
SDRS	Saúde no Direitu Reprodutivu Seksual
SEJD	Sekretariu Estadu Joventude no Desportu
SEM	Sekretariu Estadu ba Apoio no Promosaun Sosiu-Ekonómika Feto
TLMDC	Timor-Leste Media Development Centre (Sentru Dezenvolvimentu Media Timor-Leste)
UEV	Unidade ba Ema Vulneravel (PNTL)
UNDP	United Nations Development Program (Programa Dezenvolvimentu Nasoens Unidas)
UNFPA	United Nations Population Fund (Fundu Populasaun Nasoens Unidas)
UNICEF	United Nations Children's Fund (Fundu Nasoens Unidas nian ba Labarik)
UPMA	Unidade Planeamentu, Monitorizasaun no Avaliasaun (GPM)
VBJ	Violénsia Bazeia ba Jéneru
VD	Violénsia Doméstika

DEFINISAUN

Autór

Emá ida ne'ebé mak hala'o asaun violentu ruma ne'ebé hamosu kanek ka estragu ka obriga nia hakarak no asaun sira ba iha ema seluk ho la iha konsentimentu husi ema ne'e.

Fatin Hakmatek

'*Fatin Hakmatek*' katak fatin ida ne'ebé mak seguru no protejidu hodi kuida, fó alojamentu/hela fatin temporáriu (ba loron no kalan ida ka rua), no iha asesu ba servisu espesializadu sira ba vítima sira violénsia seksuál, no violénsia doméstika no abuzu ba labarik ka neglijênsia ka trafíku nian. Fatin nune'e bele hari'i iha ospital rejionál ka klíniku sira. Fatin Hakmatek sira ne'e hotu funsiona ho gratuita ba kliente sira no la iha diskriminasaun ruma. Hanesan bai-bain, vítima sira referé ba uma krize husi ospital ka klíniku, polísia, prestador servisu nian sira seluk, vítima sira-nia família ka viziñu sira, ka fila ba sira nia hela fatin rasik.

Igualdade Jéneru & Ekuidade Jéneru

Igualdade jéneru ne'e katak sosiedade valoriza ema hotu ho hanesan, la haree ba jéneru, no kondisaun sira ne'ebé iguál hodi realiza direitus umanus no hodi kontribui ba, no hetan benefisiu husi dezvoltamentu ekonómiku, sosiál, kulturál no polítika.

Ekuidade Jéneru katak prosesu ida ne'ebé justu ba ema sira la haree ba sira-nia jéneru. Atu garantia justisa, dala barak medida sira tenke tau iha fatin hodi kompensa dezvantajen istóriku no sosiál sira ne'ebé prevene ema hotu husi moris ida saudável no produtivu no iha oportunidade no regulamentu sira mak hanesan ba ema hotu.

Jéneru

Jéneru refere ba atitude, sentimentu, lala'ok no norma sira kona-ba kna'ar no relasaun kulturál no sosiál sira ne'ebé relasiona ho seksu ne'ebé atribuí ba ema ida-idak. Jéneru ne'e konstruí sosialmente no kulturalmente no la'ós jenétikamente. Kna'ar sira jéneru nian aprende husi jerasaun ba jerasaun no bele iha mudansa iha tempu naruk no iha variedade ida boot iha kultura sira nia laran no entre kultura sira, no iha grupu sosiál nia laran no entre grupu sosiál iha kultura sira-nia laran.

LGBTI

LGBTI signifika lesbian, gay, biseksuál, transjéneru no interseksu. Ida-ne'e mak termu jerál ida ne'ebé uza hodi refere ba individu sira ne'ebé la pertense ba konstrusaun hetero-normativu kona-ba orientasaun seksuál no identidade jéneru.

Norma Sira Jéneru-nian

Norma sira Jéneru-nian mak espetativa sosiál sira ne'ebé define hahalok saida mak konsidera apropriadu ba fetu no mane sira. Kna'ar no hahalok sira ne'ebé diferente entre fetu no mane, no labarik sira no mós ema-boot sira, forma no reforsa liu-husi norma sira jéneru nian mak eziste iha sosiedade.

Prestadór Servisu

Organizasaun sira ne'ebé mak presta servisu sira ba vítima violénsia bazeia ba jéneru, inklui violénsia doméstika, asaltu seksuál no abuzu ba labarik sira. Hirak ne'e inklui, maibé sei la limita ba servisu sira kona-ba médiku, legál, uma mahon/hela-fatin, psikososiál no servisu referál sira. Iha Timor-Leste, prestadór servisu sira inklui ajénsia governu no organizasaun naun-governamentál (ONG) sira.

Prevalénsia

'Prevalénsia' ne'e termu sentrál ida ne'ebé uza bainhira apresenta rezultadu sira husi levantamentu ruma kona-ba violénsia hasoru feto. Prevalénsia husi violénsia hasoru feto refere ba proporsaan husi feto sira ne'ebé esperiénsia ona violénsia hanesan parte ida husi populasaun feto ne'ebé 'iha risku'. Nune'e taxa prevalénsia sira ne'e bazeia ba kontajen ema duké eventu ka insidente sira. Estimativa prevalénsia nian jeralmente apresenta persentajen husi feto sira ne'ebé hetan ona esperiénsia violénsia durante fulan 12 liu ba ka iha kualkér momentu husi sira-nia moris.

Rede Referál

Rede ida ba prestadór servisu sira-ne'ebé mak fó apoiu no referál ba vítima/sobrevivente sira VBJ. Liuhusi rede ida ne'e, profisionál sira halo atividade hasoru VBJ iha ninia forma hotu-hotu, monitoriza situasaun protesaaun ba feto, labarik feto sira no sira seluk iha grupu risku sira no asegura asesu oportunu ba servisu apoiu no asisténsia sira ne'ebé adekuada (legál, saúde, sosiál no psikososiál) ba vítima sira violénsia nian. *Rede Referál* ne'e kompostu husi grupu traballu rua: (1) Sorumutu Koordenasaun ba Prestadór Servisu sira nian mak lidera husi MSS, ne'ebé responsável ba kórdenasaun resposta sira ba kazu violénsia bazeia ba jéneru nian; no (2) Sorumutu kona-ba Estratéjia no Advokásia nian, lidera husi Sekretaria Estadu ba Apoiu no Promosaun Sosiu-Ekonómika Feto (SEM), ne'ebé hala'o advokasia atu hamosu mudansa polítika no lei sira, balun bazeia ba rekomendasaaun mak hato'o husi Sorumutu Koordenasaun ba Prestadór Servisu.

Seksu

Seksu refere ba diferensa entre ema ne'ebé determina tuir biolojia no jénetika ne'ebé indika sei sira ne'e (biolojikamente) maskulina ka feminina ka intersexu, no tanba ne'e konsidera nu'udar feto ka mane. Se la iha interferénsia médika ka sirúrjika, diferensa hirak ne'e jeralmente konsidera permanente no universál.

Servisu Esensiál sira-ne'ebé Espesializadu

Servisu esensiál sira refere ba servisu sira esensiál ho qualidade husi setór oi-oin ne'ebé koordinadu ba feto no labarik feto sira hotu, ne'ebé mak sofre tanba violénsia bazeia ba jéneru. Servisu hirak ne'e dirije ba nesiedade spesífika husi vítima sira violénsia bazeia ba jéneru nian, inklui violénsia doméstika, asaltu seksuál no abuzu ba labarik. Servisu esensiál sira ne'e reflète komponente ida importante tebes husi resposta multi-setorál koordinada inklui saúde esensiál, polítika, justisa no servisu sosiál ne'ebé atu signifkamente bele hamenus konsekuénsia sira husi violénsia ne'e nian ba moris-di'ak, saúde no seguransa iha vida feto no labarik sira nian, tulun rekuperasaun no hakbiit no hapara violénsia atu sei la mosu tan.

Uma Mahon

'Uma Mahon' ne'e fatin ida ne'ebé seguru no protejidu atu kuida, fo hela fatin prazu naruk (kalan rua liu), no iha asesu ba apoiu servisu sira ne'ebé espesializadu ba vítima/sobrevivente

violénsia seksuál, no/ka violénsia doméstika, no/ka abuzu ba labarik ka abandona no/ka tráfiiku. Uma mahon sira-ne'e tenke lokaliza iha fatin ne'ebé seguru no relativamente segredu. Uma mahon hotu funsiona gratuita ba kliente sira no la bazeia ba diskriminasaun ruma.

Violénsia Bazeia ba Jéneru

Violénsia bazeia ba jéneru (VBJ) katak violénsia ida ne'ebé ho nia alvu mak ema ida-idak no grupu sira bazeia ba sira nia jéneru. Violénsia bazeia ba jéneru inklui, maibé la limite ba kualkér asaun mak akontese iha públiku ka iha vida privada ka violénsia ne'ebé mak estadu komete no tolera, no nia rezultadu, ka karik bele rezulta estragu fíziku, seksuál, psikolójiku, emosional, psikososial ka ekonómika ba ema, no terus ba ema ruma bazeia ba diskriminasaun jéneru, espetativa sira kona-ba kna'ar jéneru nian no estereotipu kona-ba jéneru nian.

Asaun sira ne'e bele inklui maibé la limita ba: violénsia doméstika; abuzu seksuál; violénsia relasiona ho barlake; estupro, inklui estupro iha relasaun fen-la'en, prátika tradisionál ka kulturál sira mak liga ho jéneru no hamosu sofrémentu; violénsia la'ós entre fen-la'en sira; violénsia seksuál relasiona ho explorasaun; asediu seksuál no abuzu iha estrada, intimidasaun no hata'uk iha servisu fatin, violénsia ne'ebé relasiona ho eskola no hata'uk entre estudante sira ka husi mestre ka funsionáriu eskola ba estudante sira ka husi estudante sira ba profesór sira ka funsionáriu eskola sira; tráfiiku humanu; prostituisaun forsadu; violénsia ekonómika no violénsia sa deit mak atua ba ema ruma tanba hare ba nia jéneru ka komprensaun ne'ebé mak iha kona-ba modelu kna'ar jéneru nian ka estereotipu jéneru nian.

Violénsia bazeia ba jéneru ne'e violasaun direitus umanus ida ne'ebé reflète no reforsa dezigualdade jéneru ne'ebé halo aat ba saúde, dignidade, seguransa, ajénsia, autonomia no respeita ba vítima ka alvu no mós autór sira-ne'e. Iha Timor-Leste, violénsia nune'e afeta fetu ho labarik fetu sira ho la proporsional; maibé mane no labarik-mane bele mós sai hanesan vítima sira VBJ nian no ema LGBTI (haree definisaun) sira mós afeita beibeik husi VBJ.

Violénsia Doméstika

Violénsia doméstika ne'e violénsia sa deit mak komete iha kontestu família nian, husi membru família ida hasoru kualkér membru família sira seluk, ne'ebé mak iha relasaun dependénsia entre vítima no átor, no violénsia ne'e bele hamosu estragu ruma, sofrémentu fíziku, seksuál ka psikolójiku, abuzu ekonómiku, ne'ebé inklui ameasa sira, asaun intimidasaun sira, insulta sira, asaltu fíziku, obriga ho forsa, abuzu, ka halakon ema nia liberdade. Iha kazu barak, 'parseiru íntimu ho hahalok violénsia' mak tipu ida ne'ebé maioria iha violénsia doméstika, maibé iha sosiedade balun violénsia hamosu husi rian/kunhadu/-a sira mós bele sai hanesan tipu ida ne'ebé mak domina liu.

Lei Kontra Violénsia Doméstika (2010) defini família ne'e inklui kaben-na'in, eis-kaben-na'in, ema sira ne'ebé moris iha kondisaun hanesan kaben-na'in nian, kaben-na'in nia asendente (inan-amam, avo sira) no nia desendente (jerasaun sira), no ema sira ne'ebé mak depende ba ekonomia família nian hanesan sira ne'ebé mak hala'o serbisu uma laran nian (servisu doméstika).¹

Vítima Violénsia Nian

Ema ida ne'ebé mak, ka sai tiha ona alvu husi violénsia bazeia ba jéneru.

¹ Artigu 2 (Definisaun) no Artigu 3 (Família), Lei Kontra Violénsia Doméstika (Lei No. 7/2010).

KAPÍTULU 1: ANTESEDÉNSIA

1.1 Observasaun Jerál kona-ba Planu Asaun Nasionál Violénsia Bazeia ba Jéneru (PAN-VBJ)

Planu Asaun Nasionál Violénsia Bazeia ba Jéneru (PAN-VBJ) ba tinan 2017-2021 ne'e nu'udar revizaun dahuluk husi Planu ne'ebé Konsellu Ministru adopta iha tinan 2012 ba períodu tinan tolu nia laran, iha âmbito Lei Kontra Violénsia Doméstika.

Sekretaria Estadu ba Apoiu no Promosaun Sosio-Ekonómika Feto (SEM), hanesan mekanizmu nasionál ida ne'ebé abranjente ba igualdade jéneru, realiza ona avaliasaun ida kona-ba PAN-VBJ ida dahuluk iha tinan 2015, hodi bele kompriende ho diak liu progresu sira ne'ebé mak alkansa ona no área prioritária sira hodi kombat VBJ.

Komité CEDAW mós halo rekomendasaun ida ba Timor-Leste iha fulan Novembru 2015, ne'ebé husu ba governu atu *"implementa lailais extensaun ba Planu Asaun Nasionál kona-ba Violénsia Bazeia ba Jéneru."*²

Iha Abril 2016, SEM hahú prosesu revizaun ba Planu ne'e, kolabora ho liña ministériu relevante sira no organizaun sosiedade sivil, ho apoiu tékniku no finanseiru husi UN Women, UNFPA, no The Asia Foundation.

PAN-VBJ 2017-2021 prolonga tan governu nia kompromisu atu hapara VBJ iha Timor-Leste, ne'ebé bazeia ba implementasaun abordajen multi-setorál ida.

1.2 Observasaun Jerál kona-ba Situaun Violénsia Bazeia ba Jéneru iha Timor-Leste

Violénsia bazeia ba jéneru hanesan problema ida ne'ebé mak jeneralizada iha Timor-Leste, nia tipu komún mak violénsia doméstika. Dadus husi Peskiza Demográfiku no Saúde 2009-2010 Timor-Leste nian hatudu katak 38% feto sira ho idade tinan 15-49 iha ona esperiénsia ba violénsia fízika ruma. Feto sira mós barak mak hetan violénsia kaben-na'in katak violénsia ne'ebé hala'o husi la'en. Feto kaben-na'in 35% mak relata katak sira iha ona esperiénsia ba violénsia fízika ka seksuál husi sira-nia la'en.³

Maske maioria violénsia kontra feto iha Timor-Leste akontese iha relasaun ho parseiru íntimu sira, taxa violénsia seksuál ba sira la iha parseiru mos aas, 14% feto Timor-oan sira ho tinan 15-

² Rekomendasaun Nº17 (a), hasai iha 20 Novembru 2015, Komité CEDAW ba Timor-Leste.

³ *Timor-Leste Demographic and Health Survey 2009-10* (Dili, National Statistic Directorate, Ministry of Finance, Republic Democratic of Timor-Leste, 2010), p. 228-240. Iha estudu ida ne'ebé representativu nivel nasionál mak hala'o husi The Asia Foundation iha tinan 2015 deskobre katak 59% feto sira ho tinan 15-49 ne'ebé mak iha la'en ka namoradu, esperiénsia ona forma violénsia fízika ka seksuál ruma mai husi sira-nia la'en ka ninian namoradu iha sira-nia vida tomak (The Asia Foundation, *Understanding Violence against Women and Children in Timor-Leste: Findings from the Nabilan Baseline Study*, Dili, 2016).

49 experensia tiha ona violénsia sexual husi mane ruma ne'ebé la'ós sira-nia la'en ka namoradu.⁴

Violénsia bazeia ba jéneru (VBJ) ne'e violasaun direitu umanu no forma diskriminasaun ida ne'ebé seriamente satan netik feto sira-nia kapasidade atu goza direitu no liberdade sira ne'ebé bazeia ba iguallade ho mane sira. Aseitasaun sosiál kona-ba VBJ iha Timor-Leste mak alarmante, tanba dinámika poder jéneru nian mak la igual, no ida ne'e bele sai at liután bainhira iha violénsia forma seluk, hanesan abuzu ba labarik. Estudu Demográfiku no Saúde (2009-2010) fó sai katak 86% husi feto sira no 81% husi mane sira fiar katak iha situasaun balun la'en ne'e justifikadu (iha razaun) bainhira nia baku nia feen, no atitute sira-ne'e muda ona uitoan iha tinan neen nia laran (81% feto no 70-79% mane sira).⁵

Persepsaun iha comunidade barak katak VBJ, liu-liu violénsia doméstika, ne'e kestaun privadu ida, ne'ebé kontribui ba izolasaun vítima sira, no dala barak la bele hetan asesu ba servisu assisténsia no apoiu sira-ne'ebé adekuadu.

Lei Kontra Doméstika Violénsia 2010, nia importánsia boot mak halo violénsia doméstika sai nu'udar krime públiku, maibé presiza nafatin esforsu liután atu fó korajen oinsa hato'o keixa ba kazu sira ne'e. Estudu ida ne'ebé hala'o husi The Asia Foundation iha tinan 2015 hatudu katak iha feto na'in-rua husi tolu (66%) ne'ebé moris ho parseiru íntimu ho hahalok violénsia la fô-hatene ba ema ruma kona-ba violénsia ne'e. Wainhira feto sira-ne'e buka hetan ajuda, barak mak fó-hatene ba sira-nia família ka belun (34%), enkuantu 3% de'it mak hato'o keixa ba polísia, 2% informa ba líder lokál ruma, no menus liu 1% mak ba fó hatene ba organizaun feto nian ka organizaun sosiedade sivil (OSS).

1.3 Enkuadramentu Legál

Planu Asaun Nasionál kona-ba Violénsia Bazeia ba Jéneru (PAN-VBJ) dezenvolve tiha ona tuir Timor-Leste nia lei nasional sira no obrigasaun internasionál sira.

Kaer malu ho planu ida ne'e nia rezultadu no rezultadu estratéjiku sira mak prinsípiu sira ne'ebé mak konsagra tiha ona iha Konstituisaun Repúblika Demokrátika Timor-Leste, inklui iguallade iha lei nia okos no la iha diskriminasaun (Artigu 16), iguallade entre feto no mane (Artigu 17), protesaun ba labarik (Artigu 18) no asesu ba justisa (Artigu 26).

PAN-VBJ 2017-2021 mós rekoñese todan ne'ebé Konstituisaun fó ba direitu internasionál (Artigu 9), inklui kompromisu sira ne'ebé mak Timor-Leste asumi ona hanesan Konvensaun kona-ba Halakon Diskriminasaun hasoru Feto (Convention on the Elimination of Discrimination Against Women CEDAW), Konvensaun Internasionál kona-ba Direitu Sivil no Polítiku (International Convention on Civil and Political Rights – ICCPR), Konvensaun Internasionál kona-ba Direitu Sosiál no Ekonómiku (International Convention on Social and Economic Rights – ICESCR) no Konvensaun kona-ba Direitu sira Labarik nian (Convention on the Rights of the Child – CRC). Kona-ba ida ne'e, PAN-VBJ kompleta no apoiu implementasaun enkuadramentu polítiku sira ne'ebé relasionadu, hanesan Planu Asaun Nasionál kona-ba Rezolusaun 1325 husi Konsellu Seguransa ONU nian kona-ba Feto, Dame no Seguranza, no Planu Asaun Nasionál kona-ba Direitu Labarik.

⁴ The Asia Foundation, *Understanding Violence against Women and Children in Timor-Leste: Findings from the Nabilan Baseline Study* (Dili, 2016).

⁵ The Asia Foundation, *Understanding Violence against Women and Children in Timor-Leste: Findings from the Nabilan Baseline Study* (Dili, 2016).

1.4 Metodolojia PAN-VBJ

SEM, nu'udar governu nia entidade prinsipál ida ne'ebé mak responsábiliza ba planeamentu, ezekusaun, koordenasaun no avaliasaun ba polítika sira ne'ebé hala'o iha área promosaun no defeza ba igualdade jéneru, lidera tiha ona prosesu revizaun no prolongamentu PAN-VBJ, garante prosesu konsultasaun ida luan iha nivel nasional no munisipal sira, husi fulan Maiu to'o fulan Jullu tinan 2016.

Faze konsultasaun promove abordajen ida multi-setóral no partisipativa, inklui intervensaun sira tuir mai ne'e:

- I. Entrevista no sorumutu sira mak hala'o ho parte interesada sira ne'ebé xave mak mai husi setór edukasaun, saúde, solidariedade sosiál, seguransa no justisa. Inklui liña ministériu, instituisaun nasional, organizaun sosiedade sivil no parseiru dezvoltamentu sira.
- II. Hala'o workshop sira ba konsultasaun,⁶ kobre representasaun jeográfika ida luan nivel nasional no munisipal husi husi setór edukasaun, saúde, solidariedade sosiál, seguransa no justisa, inklui liña-ministériu, instituisaun nasional sira, prestador servisu sira, no sosiedade sivil. Númeru workshop sira ne'e mak hanesan tuir mai ne'e:
 - 1) Hala'o workshop konsultasaun iha Dili (30 Juñu 2016), partisipante hamutuk ema na'in 91 (feto 62% no mane 48%) mak mai husi Dili, Liquiça, Ermera, Aileu, Baucau, Lautem, Viqueque no Manatuto;
 - 2) Hala'o workshop konsultasaun iha Suai (6 Jullu 2016), iha partisipante hamutuk ema na'in 63 (feto 56% no mane 54%) mak mai husi Covalima, Ainaro, Manufahi no Bobonaro;
 - 3) Workshop konsultasaun iha Zona Espesial Oecusse (12 Jullu 2016), iha partisipante hamutuk ema na'in 63 (feto 64% no mane 46%) mak mai husi Oesilo, Pante Macassar no Passabe.
- III. SEM konvoka Komisaun Inter-Ministerial⁷ kon-aba PAN-VBJ ne'ebé mak hala'o iha loron 22 Jullu 2016, no sura ho partisipasaun husi Diretor sira hotu, halo tuir Rezolusaun Governu 21/2012, 18 Jullu 2012. Komisaun Inter-Ministerial mak instituisaun ida-ne'ebé responsavel ba koordena, monitoriza, no avalia ba implementasaun PAN-VBJ. Reuniaun ida ne'e util ba dada lia no fó hanoin kona-ba medida efikas hodi hadia Pilar IV husi PAN-VBJ kona-ba Koordenasaun, Monitorizasaun, no Avaliasaun. Membro sira husi Komisaun Inter-Ministerial mak Ministériu Edukasaun, Ministériu Saúde, Ministériu Solidariedade Sosiál, Ministériu Interiór, Ministériu Justisa, PDHJ, Fundasaun Alola, FOKUPERS no ALFeLA.

Finaliza tiha ona esbozu PAN-VBJ 2017-2021, SEM hahú etapa validasaun. Etapa validasaun la'o tuir dalan ne'ebé partisipativu no inklusivu, hanesan tuir mai ne'e:

- I. Entrevista no reuniaun sira ho parte interesada, hodi halibur hanoin kona-ba esbozu dahuluk PAN-VBJ 2017-2021, husi Ministériu relevante sira, instituisaun nasional sira, prestador

⁶ Definisauun kona-ba fatin *workshop* konsultasaun halo tuir kriteria distritu judisial, ne'ebé fasilita partisipasaun luan iha nivel munisipal.

⁷ Komisaun Inter-Ministerial nu'udar entidade ida ne'ebé responsábiliza kona-ba oinsa tau matan ba implementasaun PAN-VBJ nian, tuir Rezolusaun Governu Númeru 21/2012, 18 Jullu 2012.

servisu sira, organizasaun sosiedade sivil sira, no mós parseriu dezenvolvimentu sira.

II. Workshop validasaun iha Dili (15 Novembru 2016) ho parte interesada importante sira iha nivel diretór husi Ministériu Edukasaun, Saúde, Solidariedade Sosiál, Interiór, no Justisa, inklui membru Komisaun Inter-Ministeriál kona-ba PAN-VBJ, Liña-Ministeriu, instituisaun nasional sira, prestadór servisu sira, organizasaun sosiedade sivil, no mós parseriu dezenvolvimentu sira. Workshop validasaun kona-ba PAN-VBJ 2017-2021 hetan partisipasaun husi partisipante na'in 68 (feto 52% no mane 48%).

1.5 Prinsípiu Orientadór kona-ba PAN-VBJ

PAN-VBJ hetan ona informasaun no dezenvolve ona atu iha konsistensia ho prinsípiu sira tuir mai ne'e:

- Prinsípiu Igualdade

Individu hotu-hotu, la haree ba nia orijin, nasionalidade, estatutu sosiál, jéneru, etnia, lian, tinan, relijiaun, defisiénsia, fiar polítika ka ideolojia sira, nivel edukasaun no kultura, goza direitu fundamentál nu'udar dignidade emar nian no sei garante oportunidade iguál atu moris ho la iha violénsia no direitu atu prezerva ninia integridade fízika no mentál.⁸

- Adesaun ba Prinsípiu no Obrigasaun Sira kona-ba Direitu Umanus

VBJ hanesan abuzu ida hasoru direitus umanus no forma diskriminasaun ida, ne'ebé prevene feto sira goza sira-nia direitu tomak nu'udar sidadaun no nu'udar ema. Timor-Leste nia PAN-VBJ buka atu hatan ba violasaun direitus umanus ne'ebé iha VBJ nia laran, no ida ne'e bazeia ba respeitu ba direitus umanus feto, mane no labarik sira-nia tuir Timor-Leste nia obrigasaun legál internasionál kona-ba direitus umanus no Konstituisaun Repúblika Demokrátika Timor-Leste.

- Prinsípiu Konsentimentu

Lahó prejuizu ba provizaun seluk ruma tuir Lei Kódigu Penál no Kódigu Prosesu Penál, kualkér intervensaun atu fó apoiu ba vítima sira tenke halo depois vitima sira fó sira-nia konsentimentu informadu, no sei iha limitasaun tanba iha respeita tomak kona-ba vítima sira-nia hakarak.⁹ Prinsípiu ida-ne'e iha referencia ba intervensaun servisu sira, no la prejudika natureza públika husi krime violénsia doméstika.

- Prinsípiu Informasaun

Estadu, liuhusi polísia, prokuradór, defensoria públika no servisu sosiál no médiku, tenke garante katak vítima sira ne'e simu informasaun ne'ebé adekuaudu atu proteje sira-nia direitu sira.¹⁰

- Protesaun no Seguransa

Programa, atividade no intervensaun sira hotu dezenvolve liuhusi PAN-VBJ koloka protesaus no seguransa ba vítima/sobrevivente sira husi violénsia bazeia ba jéneru nian nu'udar preokupasaun prinsipál tebes.

- Obrigasaun Profisionál no Regras Konduta Sira

Kualkér intervensaun kona-ba apoiu espesializadu ba vítima/sobrevivente sira tuir lolos hala'o hodi kumpri norma no obrigasaun sira profisionál nian, kódiku konduta ne'ebé aplikável,

⁸ Artigu 4, Lei Kontra Violénsia Doméstika (Lei No. 7/2010).

⁹ Artigu 5 (1), Lei Kontra Violénsia Doméstika (Lei No. 7/2010).

¹⁰ Artigu 7, Lei Kontra Violénsia Doméstika (Lei No. 7/2010).

prosedimentu operasionál padronizadu, prinsípiu universál direitus umanus no mós kualkér regra konduta ne'ebé bele aplika ba kazu ne'e.¹¹

- Responsabilidade Governu Nian

Ministériu no Instituisaun sira Governu nian iha responsabilidade prinsipál atu hatudu lideransa no fó rekursu ba implementa no atua tuir PAN-VBJ no Lei Kontra Violénsia Doméstika. Governu sei atua liuhusi parseria ho sociedade sivil, ONG no prestadór servisu sira. "Estadu ... la bele falla atu fó protesauun ba nia sidadaun sira, tanba ninia papél mak atu koordena líder públiku, privadu no komunitária sira hotu iha implementasaun polítika kona-ba prevensaun violénsia doméstika no apoiu ba vítima sira."¹²

-Vítima mak Sentru ba Abordajen

Importante duni katak abordajen no programa sira ne'ebé kona-ba vítima/sobrevivente violénsia bazeia ba jéneru nian koloka vítima/sobrevivente sira iha sentru ho klaru. Ida-ne'e signifika katak konsiderasaun kona-ba saida mak interese diak liu vítima sira-nia sei tau iha fatin aas liu preokupasaun sira seluk. Abordajen ida-ne'e ho hanoin atu hakbiit individu ruma atu foti rasik desizaun, duké impoin asaun lubuk ida ba individu ne'e.

1.6 Estrutura PAN-VBJ

PAN-VBJ 2017-2021 ne'e estratéjia multi-setorál ida ba tinan lima atu rezolve problema VBJ iha Timor-Leste. Ne'e inklui abordajen abranjante ida, investe esforsu ba prevensaun VBJ, prestasaun servisu multi-setorál ba vítima sira, inklui servisu saúde no servisu sosiál, asesu ba justisa, nune'e mós atu estabelese mekanizmu koordenasaun, atu asegura implementasaun ida efikás planu ida-ne'e, inklui monitorizasaun no avaliasaun.

PAN-VBJ 2017-2021, aliña ho estrutura PAN-VBJ dahuluk, estabelese pilár ka área prioritária estratéjika haat (4), hanesan tuir mai ne'e:

- 1- Pilar I - Prevensaun violénsia bazeia ba jéneru
- 2- Pilar II - Prestasaun servisu ba vítima
- 3- Pilar III - Asesu ba Justisa ba vítima
- 4- Pilar IV - Koordenasaun, Monitorizasaun no Avaliasaun

1.7 Pilar PAN-VBJ

1.7.1 Pilar 1 - Prevensaun Violénsia Bazeia ba Jéneru

PAN-VBJ 2017-2021 rekoñese importánsia boot ida atu investe esforsu sira ba prevensaun VBJ.

Prevensaun VBJ rekere asaun sira atu hatan ba kauza abut husi violénsia bazeia ba jéneru, mak hanesan dezigualdade jéneru no diskriminasaun, ne'ebé nia rezultadu mak status feto sira ne'ebé ema hanoin menor.

Hanesan hato'o ona iha observaun jerál, iha tendensia alarmante kona-ba toleránsia ba violénsia bazeia ba jéneru iha comunidade Timorese ne'ebé identifika tiha ona liuhusi estudu

¹¹ Artigu 8, Lei Kontra Violénsia Doméstika (Lei No. 7/2010).

¹² Preámbulu, Lei Kontra Violénsia Doméstika (Lei No. 7/2010).

oin-oin. Tanba ne'e, importante tebes, atu halo mudansa liuhusi halo esforsu iha mudansa atitude no hahalok, no mós ho mudansa norma sosiál.

Pilar 1 PAN-VBJ deskreve atidade sira ne'ebé mak buka mudansa prazu naruk lihusi dezafia ba mentalidade ne'ebé mak iha individu, comunidade no sociedade. PAN-VBJ ne'e konsentra liu ba estratéjia sira ho hanoin atu:

- Aumenta koñesimentu kona-ba direitus umanus, igualdade jéneru, VBJ, no nia efeitu ne'ebé perigozu entre membru comunidade sira no ajénsia governu nian sira;
- Transforma atitude, prátika, norma no lala'ok sira ne'ebé apoiu, tolera ka simu deit VBJ no dezigualdade jéneru;
- Aumenta promosaun direitu no saúde reprodutivu no seksuál, apoiu relasaun seksuál sira ne'ebé saúdavel, respeitozu no konsensual;
- Envolve mane no labarik mane sira atu transforma maskulinidade ida ne'ebé perigozu;
- Aumenta influénsia positiva husi media iha promosaun igualdade jéneru no toleránsia zero ba VBJ;
- Apoiu abordajen konsiente VBJ atu hakbiit ekonomia no individuál feto nian no apoiu comunidade nian ba feto nia partisipasaun iha dezvoltamentu ekonómiku, rekoñese katak pozisaun ekonómiku ida aas mós bele hatur feto sira iha risku liu ba violénsia;
- Halo advokasia ba ratifikasaun lei no polítika sira iha setór hotu, ne'ebé sensível jéneru no iguál jéneru.

Pilar I nia alvu mak grupu spesífiku sira, ne'ebé iha knaar importante ida atu prevene violénsia, hanesan líder nasionál no lokál sira (inklui Xefe Suku sira, ema sira serbisu iha Igreja nian no lider tradisionál sira), família, juventude, pesoál saúde, media, no edukasaun sira.

1.7.2 Pilar II – Prestasaun servisu esensiál sira ba vítima/sobrevivente VBJ

Área estratéjika PAN-VBJ kona-ba Prestasaun Servisu nian konsentra ba nesesidade multi-setorál husi vítima/sobrevivente VBJ sira, atu asegura katak sira iha asesu ba servisu esensiál ba sira-nia moris di'ak iha aspetu físiku, mentál no sosiál nian, no katak sira protejidu husi violénsia ruma tan ka re-vitimizásau.

Importante katak vítima/sobrevivente sira iha asesu ba tratamentu ne'ebé sensível jéneru iha ambiente ida seguru no konfidensiál, katak servisu sira ne'e kobre nesesidade oi-oin, koordinadu entre setór sira no hato'o husi pesoál ne'ebé treinadu no kompetente. Atu garante sustentabilidade, servisu sira ne'e hotu integradu ba iha servisu setór públiku nian.

I. Servisu Saúde Esensiál

Iha sekuensia imediatu husi violénsia, vítima sira tenke iha asesu ba kuidadu saúde no assisténsia médika sira ne'ebé esensiál atu atende vítima sira nia nesesidade sira ne'ebé urgente. Kuidadu saúde ne'ebé asesível signifika katak servisu sira ne'e fizikamente no geografikamente disponível ba vítima sira, no servisu sira ne'e hato'o husi pesoál sira ne'ebé profesionál no kompetente ho formasaun ne'ebé adekuadu.

Komponente prinsipál sira husi servisu saúde esensiál mak hanesan tuir mai ne'e: 1) identifikasaun vítima sira; 2) apoiu liña dahuluk; 3) kuidadu ba kanek sira no fó tratamentu médiku urjente; 4) ezame no kuidadu agresaun seksuál; 5) avaliasaun no kuidadu saúde mental; no 6) dokumentasaun (Mediku-legál).

PAN-VBJ 2017–2021 estabese dezenvolvimentu no operacionalizasaun Matadalan Nasionál atu aseguera operacionalizasaun POP sira ba prestadór kuida saúde sira, inklui formasaun no hala'o servisu.

Prestadór kuidadu saúde sira hotu tenke hatene apoiu liña dahuluk (LIVES¹³) no dalan referál sira ne'ebé iha, tanba setór saúde nian mak bai-bain hetan uluk kontaktu husi vítima/sobrevivente VBJ sira, maske sira la hateten sai iha abuzu ka violénsia. LIVES bele fó husi kualkér prestadór kuidadu saúde sira ne'ebé hatene ona Matadalan Nasionál ba prestadór saúde sira ho rekursu ne'ebé limitadu.

II. Servisu Sosiál Esensiál

Garante asesu ba hela fatin ne'ebé protejidu no seguru ba vítima VBJ sira mós prevé ona iha PAN-VBJ ne'e. Maske servisu sira ne'e eziste ona iha Timor-Leste iha tinan hira nia laran ona, barak tebes mak ONG nasionál sira mak jere, PAN-VBJ haluan servisu sira ne'e iha paíz laran tomak.

Estratéjia ne'ebé estabese inklui mapeamentu ida atu determina se karik presiza duni Uma Tránsito/Fatin Mahon ba tempu badak iha munisípiu hitu (7) ne'ebé atualmente la iha buat ida. Ideia ida kona-ba Uma Tránsito ne'e atu garante katak iha asesu imediata ba hela fatin ne'ebé seguru ba vítima/sobrevivente sira hotu, inklui sira ne'ebé iha nesesidade espesial, hanesan problema sira kona-ba saúde mentál nian no defisiénsia fizika sira.

PAN-VBJ ne'e mós buka atu hadi'ak liután asesu ba servisu akonsellamentu no psikososiál sira ne'ebé mak hato'o ba vítima/sobrevivente sira, liuhusi estabesimentu pesoál servisu sosiál treinadu iha Diresaun Nasionál Dezenvolvimentu Sosiál (DNDS) atu simu no fó informasaun kona-ba krize no akonsellamentu ba vítima/sobrevivente sira iha munisípiu hotu.

Liu tan ida ne'e, sei estabese mós asesu ba akonsellamentu no informasaun liuhusi kria liña telefonika tulun ida ne'ebé gratuita no konfidensial iha nivel nasionál, ida ne'e disponível 24/7 (oras 24/loron 7 nia laran) ne'ebé sei fó informasaun kona-ba direitu, servisu no akonsellamentu krize ba vítima/sobrevivente VBJ sira.

Ikus liu, atu bele aseguera koordenasaun ida perfeita husi servisu espesializadu sira iha setór oin, PAN-VBJ ne'e prevé fortalecimento no espansaun mekanizmu koordenasaun sira, hanesan *Rede Referál* no sistema jestaun ba kazu sira iha nivel nasionál no munisipál, no mós estabesimentu padraun étika profesionál inter-setorál ba prestadór servisu sira.

¹³ L - Listen with empathy and without judging [Rona ho empatia no la julga];

I - Inquire about needs and concerns; emotional, physical, social and practical (ex: Child care) [Buka hatene kona-ba nesesidade no preokupasaun emosional, fiziku, sosiál no pratika (por ezemplu: kuidadu labarik)];

V - Validate [Valida];

E - Enhance safety [Hadi'ak seguransa];

S - Support her by helping her to connect to information, services and social support [Apoia nia liuhusi liga nia ba informasaun, servisu no apoiu sosiál].

1.7.3 Pilar III – Asesu ba Justisa

Pilar III husi PAN-VBJ konsentra ba oinsa atu garante katak direitu vítima/sobrevivente sira sei tane aas, atu nune'e sira bele hili opsau informadu kona-ba asesu ba justisa.

Liután ida ne'e, PAN-VBJ ne'e mós iha konsiderasaun kona-ba importánsia husi resposta judicial nian sira ne'ebé mak efetivu kona-ba VBJ atu halo reparasaun ba vítima/sobrevivente sira, nune'e mós atu dezenkoraja hahalok violentu iha comunidade sira.

Pilar III ne'e estabelese mekanizmu atu tulun oinsa iha investigasaun ba forma hotu husi VBJ nian, iha akuzasaun no kastigu, no vítima sira iha asesu ba medida sira lori ba justisa.

Ikus liu, PAN - VBJ ne'e mós buka atu reforsa Kuadru Jurídiku Nasionál, atu nune'e bele proteje fetu ho labarik sira ho di'ak liután tuir norma sira internasionál nian.

1.7.4 Pilar IV - Koordenasaun, Monitorizasaun no Avaliasaun

Pilar IV ne'e deskreve mekanizmu sira ne'ebé presiza atu asegu implementasaun PAN-VBJ ida ne'e ho oportuna no efikáz. Nia estabelese medida sira promove kompromisu nível altu nian hodi dudu intervensaun multi-setorál, nune'e mós, atu planeia kona-ba alokasaun orsamentária ne'ebé nesesária, tuir liña orsamentu sensível jéneru.

Atu halo ida ne'e, PAN-VBJ ne'e inklui medida sira atu reforsa Komisaun Inter-Ministeriál,¹⁴ envolve parseiru foun no esensiál sira. Hanesan Unidade Planeamentu, Monitorizasaun no Avaliasaun (UPMA) iha Gabinete Primeiru Ministru, Prokuradoria Jerál Repúblika, Unidade Ema Vulnerável (UEV), Defensoria Públiku, Tribunál sira, no Organizasaun Sociedade Sivil (OSS) inklui Fundasaun Alola, FOKUPERS, ALFeLA no Rede Feto.

Ikus liu, PAN-VBJ ne'e mós buka atu hametin Rede Referál, atu nune'e bele asegu koordenasaun efikáz no intervensaun integrada iha nivel primária no sekundária.

1.8 Objektivu PAN-VBJ

Objektivu jerál husi PAN-VBJ ne'e atu hamenus no ba ikus liu halakon VBJ ne'ebé afeta fetu, mane no labarik sira iha ita nia comunidade sira liuhusi abordajen multi-setorál ida koordenada. Indikador hotu hotu ne'ebé propoin atu bele sukat Objektivu jerál:

% fetu timor ho idade 15 too 49 ne'ebé hetan ona violensia sexual husi mane ruma ne'ebé la'ós sira-nia la'en ka namoradu¹⁵

% fetu iha fulan 12 antes relata katak sira iha ona esperiénsia ba violénsia fízika ka seksuál husi sira-nia la'en¹⁶

¹⁴ Rezolusaun Governu nian 21/2012, 18 Julu 2012.

¹⁵ *Timor-Leste Demographic and Health Survey 2009-10* (Dili, National Statistic Directorate, Ministry of Finance, Republic Democratic of Timor-Leste, 2010).

¹⁶ 28 % fetu esperiénsia ba violénsia fízika iha tempu balun duran 12 fulan ikus (*Timor-Leste Demographic and Health Survey 2009-10*).

PAN-VBJ ne'e buka atu alkansa objetivu jerál ne'e ho konsentra ba iha área estratéjika haat:

PILAR I
PREVENSAUN violénsia bazeia ba jéneru

Rezultadu 1: Transforma atitude, lala'ok, prátika, norma sira no dinámika poder sira ne'ebé kontribui ba violénsia bazeia ba jéneru

- Rezultadu 1.1 - Hasae Koñesementu lider komunitariu sira, ofisial governu sira no profesór sira nian kona-ba igualdade jéneru no VBJ, nune'e mós sira nia papel ne'ebé ativu kona-ba hato'o keixa no refere kazu VBJ sira.
- Rezultadu 1.2 - Konxiénsia sai di'ak liu kona-ba saúde no direitu reprodutivu no seksuál, envolve mane no labarik mane oan sira
- Rezultadu 1.3 – Kna'ar media nian aumenta tan ba halo promosaun ba igualdade jéneru no toleránsia zero ba violénsia bazeia ba jéneru
- Rezultadu 1.4 – Feto sira nia ekonomia hakbiit liután
- Rezultadu 1.5 – Igualdade jéneru promove iha nivel Jurídiku no polítiku

PILAR II
PRESTASAUN SERVISU ba vítima/sobrevivente violénsia bazeia ba jéneru

Rezultadu 2: Garante katak vítima/sobrevivente violénsia bazeia ba jéneru hetan asesu ba servisu saúde no apoiu sosial esensiál ho qualidade

- Rezultadu 2.1 – Haforsa liután servisu saúde esensiál ne'ebé asesível no oportunu ba vítima/sobrevivente sira, inklui apoiu liña dahuluk, kuidadu ba kanek sira no tratamentu médiku urjente, kuidadu no ezame ba asaltu seksuál, kuidadu no avaliasaun saúde mentál no dokumentasaun médiku legál ne'ebé mak sei hato'o husi pesoál formadu iha fatin sira ne'ebé seguru no sensível jéneru.
- Rezultadu 2.2 – Vítima/sobrevivente sira nia asesu ba hela fatin no Uma Mahon ne'ebé seguru, no facilidade sira ne'ebé sensível jéneru haforsa liután, ba prazu badak no naruk nian.
- Rezultadu 2.3 – Vítima/sobrevivente sira nia asesibilidade ba informasaun no akonsellamentu krize (inklui apoiu psikososiál) ne'ebé adekua sai aumenta liután.
- Rezultadu 2.4 – Medida sira atu fasilta independénsia ekonómika, rekuperasaun no autonomia ba vítima/sobrevivente sira reforsa liután.

PILAR III

ASESU BA JUSTISA ba vítima/sobrevivente violénsia bazeia ba jéneru

Rezultadu 3: Garante katak vítima/sobrevivente sira-nia direitu hetan protesau tomak liuhusi sistema justisa formál no lori autór sira ba justisa

- Rezultadu 3.1 - Enkuadramentu legál nasional ne'ebé proteje vítima/sobrevivente sira tuir padraun internasionál nian sai di'ak liután.
- Rezultadu 3.2 - Vítima/sobrevivente sira nia asesu ba informasaun kona-ba direitu, servisu no assisténsia legál, inklui akompañamentu ba prosesu legal, sai di'ak liután.
- Rezultadu 3.3 - Kapasidade kona-ba kna'ar polísia nian, prosedimentu legais, no instituisaun sira nian atu asegura prestasaun servisu sira ne'ebé sensível jéneru, seguru, asesível, gratuita, no responsivu ba vítima/sobrevivente sira sai di'ak liután.
- Rezultadu 3.4 - Kapasidade autór judisiáriu sira aumenta tan atu asegura protesau ida ne'ebé sensível jéneru no kompensasaun ba vítima/sobrevivente sira, nune'e mós atu asegura katak arguidu sira sei hetan kastigu ida ne'ebé merese duni.
- Rezultadu 3.5 - Programa rehabilitasaun, monitorizasaun no avaliasaun ba programa sira ne'e nia efikásia sai di'ak liután, ho nune'e autór sira bele hamenus hahalok krime ne'ebé mak abituadu.

PILAR IV

KOORDINASAUN, MONITORIZASAUN NO AVALIASAUN

Rezultadu 4: Garante koordenasaun, monitorizasaun, no avaliasaun ne'ebé efikás no efisiene kona-ba implementasaun PAN-VBJ

- Rezultadu 4.1 - Koordenasaun entre parte interesada PAN-VBJ sira sai di'ak liután.
- Rezultadu 4.2 - Monitorizasaun, relatóriu, avaliasaun no alokasaun orsamentu ba PAN-VBJ sai di'ak liután.

1.9 Kustu no Rekezitu Finanseiru

PAN – VBJ ne'e inklui orsamentu indikativu ba atividade sira atu hala'o iha período tinan lima nian laran. Númeru sira iha ne'e sei estimativa deit, no númeru sira ne'e sei desenvolve loloos tuir fundu ne'ebé hetan, nune'e mós bazeia ba rezultadu husi estudu ba kustu haree liu ba servisu multi-setorál esensial sira, ne'ebé mak hala'o husi Ministériu Solidariedade Sosiál no UN Women, ho apoiu tékniku husi Universidade Nasionál Irlanda iha Galway.¹⁷ Importante atu realsa katak estudu ne'e seidak apresenta iha Parlamentu Nasionál to'o rohan husi tinan ida ne'e nia laran.

Justifikasaun ba desenvolve Planu orsamentu indikativu ida atu kria ferramenta ida ne'ebé sei apoia implementasaun PAN-VBJ. Orsamentu ida estimativu ne'e importante atu determina oinsa aloka fundu no rekursu sira tuir kronograma PAN-VBJ, ida ne'e tulun sira ne'ebé foti desizaun polítika atu haree oinsa alokasaun rekursu setór ne'e enkuadra duni ho VBJ nia objetivu ne'ebé boot liu. Ho nune'e, nia bele apoia desenvolvimentu Governu nia Planu Asaun Nasionál iha futuru, no esforsu orsamentu sensível jéneru.

¹⁷ UN WOMEN, NUI Galway, *Estimating the resource requirements for a minimum package of essential services for women and children experiencing violence in Timor-Leste* (Dili, 2016).

KAPÍTULU 2: PLANU 2017-2021 (MATRIZ)

PILAR I PREVENSAUN ba violénsia bazeia ba jéneru									
Rezultadu 1: Transforma atitude, lala'ok, prátika, norma sira no dinámiku poder sira ne'ebé kontribui ba violénsia bazeia ba jéneru									
Indikadór ba Resultadu 1.1: % fetu no % mane neeb'é fiar katak laen sira bele baku fen iha sirkunstansia ruma									
Liña de Baze: Iha 2010, 86% fetu no 81% mane neeb'é fiar katak laen sira bele baku fen iha sirkunstansia ruma¹⁸									
Rezultadu ne'ebé hakarak atu hetan	Asaun Foku Sira	Prazu					Institusaun Pontu Fokál	Parseiru Kolaboradór	Orsamentu Totál Indikativu ba período tinan 5 (USD)
		2017	2018	2019	2020	2021			
Resultadu 1.1 - Hasae koñesementu lider komunitariu sira, ofisial governu sira no profesór sira nian kona-ba igualdade jéneru no VBJ, nune'e mós sira nia papel ne'ebé ativu kona-ba hato'ó keixa no refere kazu VBJ sira.	1. Envolve comunidade, lider lokal no tradisionál sira iha esforsu sira atu halo mudansa atitude no hahalok, no mobiliza comunidade atu simu responsabilidade no dezafia VBJ.						SEM	MAE Fokupers Fundasaun Alola ALFeLa	100.000
	2. Fasilita diskusaun sira ho lider relijiozu sira hodi identifika risku sira no prevalensia husi VBJ no mekanizmu protesausn sira ne'ebé iha ona ba							SEM	Fokupers Fundasaun Alola

¹⁸ Timor-Leste Demographic and Health Survey 2009-10.

Indikadór ba Resultadu 1.1.1: <i>Persentajen husi fetu no mane ne'ebé aseita VBJ</i> Linha de Base: <i>81% fetu no 79% mane¹⁹</i>	fetu no labarik sira no envolve sira atu promove mensajen sira kona-ba igualdade jéneru ho loloos no naun-violénsia, no enkoraja oinsa hato'o keixa kona-ba VBJ.						ALFeLa	
	3. Dezeña no hala'o kampaña kona-ba mudansa atitude bazeia ba evidencia no nia alvu mak foin-saé sira atu promove maskulinidade ne'ebé positivu, respeitozu no laiha-violénsia, ne'ebé dezafia estereotipu jéneru sira.						ME	SEM AMKV Mane ho Visaun Foun
Indikadór ba Resultadu 1.1.2: <i>Númeru lider lokal no lider tradisionál fetu no mane sira nia koñesementu kona-ba LKVD nomos kona-ba sira nia knar hato'o keixa no refere kazu VBJ aumenta liu tan.</i> Linha de Base: <i>La iha, prezisa kolekta</i>	4. Hala'o programa iha eskola sira ne'ebé foka ba promosaun igualdade jéneru, muda konseitu maskulinidade no dezenvolve abilidade kona-ba disciplina diak, ho alvu mak eskola-oan sira husi ensinu primária no sekundária, asosiasaun profesór no inan-aman sira nian.					ME	SEM	80.000
	1. Dezeña no hala'o formasaun ba lider lokal no tradisionál sira (Administradór Munisípiu no Postu Administrativu sira, Xefe Suku no Xefe Aldeia sira, lia-na'in sira no fetu sira ne'ebé hanesan xave iha comunidade) kona-ba direitos humanus, igualdade jéneru no VBJ, nune'e mós kona-ba sira-nia papel legál atu hato'o keixa no refere kazu violénsia doméstika sira-ne'ebé akontese iha sira-nia comunidade.						MAE	SEM PDHJ ME Fokupers Fundasaun Alola ALFeLa
Indikadór ba Resultadu 1.1.4:	2. Dezeña no hala'o formasaun ba ofisiál sira husi governu nian kona-ba direitos umanus, igualdade jéneru no VBJ (inklui asediu seksuál iha serbisu					SEM	PDHJ	80.000

¹⁹ The Asia Foundation, *Understanding Violence against Women and Children in Timor-Leste: Findings from the Nabilan Baseline Study* (Dili, 2016).

<p><i>Númeru ofisial governu feto no mane sira nia koñesementu kona-ba VBJ no asediu seksuál aumenta liu tan</i></p> <p>Linha de Base: <i>La iha, prezisa kolekta</i></p>	<p>fatin), nune'e mós kona-ba sira-nia responsabilidade kona-ba oinsa atu hato'o keixa no refere kazu sira VBJ nian, no ikus liu mak hamosu Kódigu Konduta ida ne'ebé ofisiál governu sira tenke asina depois de hala'o tiha formasaun anuál.</p>								
	<p>3. Dezeña no hala'o formasaun ba profesór no asosiasaun inan-aman sira kona-ba direitus umanus, igualdade jéneru, no prevensaun VBJ, ne'ebé foka liu ba asediu seksuál, tuir enkuadramentu "polítika toleránsia zero."</p>						ME	SEM	100.000
<p>Resultadu 1.2 – Konxiénsia sai di'ak liu kona-ba saúde no direitu seksuál no reprodutivu, envolve mane no labarik mane oan sira.</p> <p>Indikadór ba Resultadu 1.2.1: <i>% feto ho idade 15-49 ne'ebé fiar katak fen ida bele la hatan atu halo relasaun seksuál ho nia kaben iha sirkunstansia ruma</i></p> <p>Linha de Base: <i>Favor hare LSD 2019-2010</i>²⁰</p>	<p>1. Dezenvolve kampaña komunikaun ida atu hamenus <i>stigma</i> kona-ba ko'alia sai loos kona-ba ba saúde no direitu seksuál no reprodutivu, inklui dezeña no diseminaun poster, <i>banner</i>, pamfletu sira ne'ebé klaru no informativu hodi fahe informaun loos ba comunidade sira kona-ba saúde no direitu seksuál no reprodutiva.</p>					MS	SEM	60.000	
	<p>2. Dezeña no hala'o "Edukasaun Abranjente kona-ba Seksualidade"²² ba estudante sira iha ensinu primáriu no sekundáriu.</p>						ME	SEM SEJD MS	130.000
	<p>3. Dezeña no implementa diskusaun komunitáriu ne'ebé fasilita regularmente ba mane sira hodi responde ba asuntu direitu seksuál mane nian.</p>						SEM	MS AMKV Mane ho Visaun Foun	60.000

²⁰ Linha de Base iha pájina 207, LSD 2009-2010.

²² Comprehensive Sexuality Education - CSE ka Edukasaun Abranjente kona-ba Seksualidade (dezenvolve husi *International Technical Guidance on Sexuality Education* ne'ebé mai husi UNESCO, UNFPA, UNICEF, WHO, UNAIDS, no ikus liu UN WOMEN) – define nu'udar abordajen abranjente kona-ba edukasaun seksualidade bazeia ba direitus umanus, foka ba jéneru, no orienta ba abilidade moris nian. CSE bele hanorin iha eskola ka laós iha eskola, ba ema sira husi grupu idade oiain, inklui adapta ba inan-aman sira no programa nivel komunitdade, ne'ebé mak dalan ida efikás hodi hanorin foin-sa'e sira kona-ba relasaun ne'ebé saudavel no oinsa hili ho konsiente no respeitozu no mós fó sira koñesimentu, lala'ok no valor ne'ebé sei halo sira bele dezenvolve hanoin ne'ebé positivu kona-ba sira-nia seksualidade no saúde seksuál no reprodutivu iha kontestu sira-nia desenvolvimentu emocionál no sosiál.

<p>Indikadór ba Resultadu 1.2.2: % mane ho idade 15-49 ne'ebé fiar katak fen ida bele la hatan atu halo relasaun seksuál ho nia kaben iha sirkunstansia ruma</p> <p>Linha de Base: Favor hare LSD 2019-2010²¹</p>	<p>4. Identifika no apoia mane sira mak apropriadu husi comunidade atu sai hanesan modelu ba sira seluk, no halo advokasia atu muda hahalok mane sira.</p>					SEM	AMKV Mane ho Visaun Foun	30.000
<p>Resultadu 1.3 – Kna'ar media ba halo promosaun iguallade jéneru no zero toleránsia ba violénsia bazeia ba jéneru aumenta tan.</p>	<p>1. Dezenvolve Kódigu Konduta ida ba media kona-ba reportajen sensível jéneru; inklui matadalan kona-ba étika hala'o reportajen VBJ, konsente informadu, no asaun disiplinariu ba violasaun ba kódigu ne'e.</p>					SECOMS	SEM	40.000
<p>Indikadór ba resultadu 1.3.1: Númeru jornalista fetu no mane nia ne'ebé iha koñesementu kona-ba iguallade jéneru nomós oinsa halo reportajen kona-ba violénsia VBJ aumenta ona</p> <p>Linha de Base: La iha, prezisa kolekta</p>	<p>2. Hala'o formasaun obrigatóriu tinan-tinan ba jornalista sira kona-ba direitos umanus, iguallade jéneru, VBJ no reportajen sensível jéneru.</p>					SECOMS	SEM	30.000
	<p>3. Dezenvolve no implementa "Ferramenta Media" ida atu monitoriza media nia reportajen kona-ba violénsia no oinsa deskreve kona-ba fetu.</p>					SECOMS	SEM	40.000
<p>Resultadu 1.4 – Feto sira nia ekonomia hakbiit liután</p>	<p>1. Fó apoiu financeiru ba Rede Feto no grupu negósiu sira, ho atensaun espesial ba asosiasaun, organizaun no grupu komunitáriu sira-ne'ebé apoia no representa fetu vulneravel sira.</p>					SEM	MCIA SEPFOPE	120.000

²¹ Liña baze iha pajina 208 iha LDS 2009-2010.

<p>Indikadór ba rezultadu 1.4.1: <i>Númeru grupu feto ne'ebé hetan apoiu ekonomiku husi Governu iha rendimentu diak</i></p> <p>Linha de Base: <i>243 iha tinan 2015</i>²³</p>	<p>2. Hakbiit programa protesauun sosiál nasionál (hanesan 'Bolsa da Mae', Pensaun Veteranu, no Pensaun ba Idozu sira) nia alkansa no kontribuisaun atu bele to'o duni ba feto vulneravel hot-hotu, inklui feto adultu no feto foin-sa'e sira ne'ebé mak vítima husi VBJ, abandonada, haketak husi família, haketak sosiál ka haketak kulturál, para sira ne'e simu apoiu ekonómiku ne'ebé natoon husi programa protesauun sosiál.</p>					MSS	MCIA	338.000
<p>Indikadór ba rezultadu 1.4.2. <i>% feto no mane hetan ona asesu ba seguransa sosiál</i></p> <p>Linha de Base: <i>35% mane no 24% feto iha seguransa sosiál</i>²⁴</p> <p>Indikadór ba rezultadu 1.4.3: <i>% Partisipasaun feto no mane iha força trabalhu</i></p> <p>Linha de Base: <i>21% feto no 40% mane participa iha força trabalhu</i>²⁵</p> <p>Indikadór ba rezultadu 1.4.4: <i>% feto no mane iha trabalho vulneravel</i></p> <p>Linha de Base: <i>69% feto iha empregu vulneravel, no 47%</i></p>	<p>3. Desenvolve kapasidade feto nian iha kna'ar profesionál sira, inklui jestaun negósiu, liuhusi formasaun lideransa transformativa no formasaun abilidade asertividade.</p>					SEPFPOE	SEM IADE Caucus Feto iha Política Fundasaun Pátria	50.000

²³ Dadas husi Relatóriu Avaliasaun Fundus Transferénsia Públika 2008-2014, SEM.

²⁴ Levantamentu dados Forsa Traballu 2013, SEPFPOE.

²⁵ Levantamentu dados Forsa Traballu 2013, SEPFPOE.

<p><i>mane iha empregu vulneravel</i>²⁶</p> <p>Indikadór ba rezultadu 1.4.5: % feto no mane iha programa téknika vokasionál kada tinan</p> <p>Linha de Base: Iha tinan 2009, 41% feto no 59% mane iha estudante programa formasaun téknika vokasionál²⁷</p>									
<p>Rezultadu 1.5 – Igualdade jéneru promove iha nível jurídiku no polítiku.</p> <p>Indikadór ba Rezultadu 1.5.1: <i>Númeru lei no política sira ne'ebé mak diskriminatoria hadi'ak ona hodi hatan ba VBJ.</i></p> <p>Linha de Base: <i>La iha, prezisa kolekta dados</i></p> <p>Indikadór ba Rezultadu 1.5.2: <i>Númeru Juiz/ Prokurador/Defensor Públiku feto no mane aumenta koñesementu kona-ba LKVD</i></p>	<p>1. Apoiu estratéjia sira advokasia nian ba aborda igualdade jéneru iha lei no política sira hotu, tuir Konstituisaun, CEDAW no instrumentu direitus umanus sira mak ratifikadu tiha ona iha Timor-Leste.</p>					SEM	UPMA (GPM) GMPTL MI	65.000	
	<p>2. Dezenvolve lei ida-ne'ebé abranjente kona-ba igualdade jéneru.</p>					SEM	MJ	28.000	
	<p>3. Hala'o sensibilizasaun no formasaun kona-ba planeamentu estratéjiku ba Ministru, Sekretariu Estadu sira no Membru Parlamentu sira kona-ba oinsa responde ba VBJ liuhusi lei no política ho intensaun oinsa enkaisa objetivu, indikadór no rezultadu sira ne'ebé realistiku no vizivel iha planu anuál servisu nian iha institusaun sira, nune'e mós halo orsamentu no esbosu legál ne'ebé mak iha iguál jéneru, sensível jéneru no</p>					GPM	PCM	87.000	

²⁶ Levantamentu dados Forsa Traballu 2013, SEPFPOPE.

²⁷ Relatório CEDAW Estadu Timor-Leste Daruak no Datoluk ba Komité CEDAW, 2015.

<p>Linha de Base: <i>La iha, prezisa kolekta dados</i></p> <p>Indikadór ba Resultadu 1.5.3 <i>Númeru Ministériu no Sekretaria Estadu sira-ne'ebé halibur beibeik dados dezagregadu jéneru.</i></p> <p>Linha de Base: <i>La iha, prezisa kolekta dados</i></p>	<p>iha perspetiva jéneru.</p>								
Kustu Totál Pilar I									1.648.000

PILAR II
PRESTASAUN SERVISU ba vítima/sobrevivente violénsia bazeia ba jéneru

Rezultadu 2: Garante katak vítima/sobrevivente violénsia bazeia ba jéneru nian hetan asesu ba servisu saúde esensiál no servisu apoiu sosiál nian ho kualidade

Indikadór ba Resultadu 2.1: Persentajen husi fasilidade servisu saúde nian no funsióariu saúde nian mak kompetente atu fornese LIVES kada tinan

Indikadór ba Resultadu 2.2: Númeru fasilidade servisu saúde nian no funsióariu saúde nian mak kompetente hodi halo ezame kona-ba asaltu seksuál no fó tratamentu kada tinan

Indikadór ba Resultadu 2.3: Númeru fasilidade servisu saúde nian no funsióariu saúde nian mak kompetente hodi halo dokumentasaun legál-médiku nian.

Indikadór ba Resultadu 2.4: Proporsaun husi totál despeza governu ba iha assisténsia sosiál fundamental ba vítima husi violénsia

Indikadór ba resultadu 2.5: Númeru fasilidade sira ne'ebé mak aplika Prosedimentu Operasaun Padronizadu (POP) kada tinan

Indikadór ba resultadu 2.6: Númeru sobrevivente sira hetan Satisfasaun ne'ebé utiliza assisténsia serbisu multi-sektorial nian

Rezultadu ne'ebé hakarak atu hetan	Asaun Foku Sira	Prazu					Institusaun Pontu Fokál	Parseiru Kolaboradór	Orsamentu Totál Indikativu ba período tinan 5 (USD)
		2017	2018	2019	2020	2021			
Rezultadu 2.1 – Haforsa liután servisu saúde esensiál ne'ebé asesível no oportunu ba vítima/sobrevivente sira,	1. Dezenvolve matadalan nasional ida ba prestadór servisu saúde nian kona-aba identifikasaun no jestaun vítima/sobrevivente husi VBJ nian, inklui kna'ar, responsabilidade sira						MS	PRADET	25.000

<p>inklui apoiu liña dahuluk, kuidadu ba kanek sira no tratamentu medíku ne'ebé urjente, kuidu no ezame ba asaltu seksuál, kuidu no avalia saúde mentál no dokumentasaun medíku-legál ne'ebé mak ható'o husi pesoál formadu, iha facilidade sira ne'ebé seguru no sensível jéneru.</p> <p>Indikadór ba Resultadu 2.1.1: <i>Númeru kliente sira ne'ebé mak identifikada ona nu'udar sobrevivente husi VBJ tuir pesoál iha óspital munisipal, Sentru Saúde Komunitária, no postu saúde sira.</i></p> <p>Linha de Base: <i>La iha, prezisa kolekta dadus</i></p> <p>Indikadór ba Resultadu 2.1.2: <i>Númeru vítima/sobrevivente sira mak utiliza ona facilidade saúde nian kada tinan</i></p> <p>Linha de Base: <i>La iha, prezisa kolekta dadus</i></p>	no dalan referál, no socializasaun ba prestadór servisu saúde sira iha nivel hotu no parseiru interesadu sira kona-ba matadalan ne'e.							
	2. Desenvolve pakote formasaun 'iha servisu fatin' ba prestadór sira servisu saúde nian aliña ho matadalan nasionál, pakote servisu esensiál, manuál klinika no matadalan sira seluk bazeia ba evidensia.					MS	INS	30.000
	3. Hala'o Formasaun ba Formadór ida no harii ekipa formadór kona-ba pakote ba prestadór kuidadu saúde nian.					MS	INS	80.000
	4. Hala'o formasaun atu desenvolve kapasidade pesoal saúde nian mak selesionadu husi nível hotu hodi garante katak iha funsióariu hirak iha facilidade ida-idak ne'ebé mak hetan ona formasaun klean kona-ba servisu saúde esensiál, liu-liu kona-ba apoia liña dahuluk nian.					MS	PRADET	75.000
	5. Desenvolve modulu formasaun 'pre-service' atu bele inkorpora iha programa formasaun medíku, enfermajen no parteira nian.					UNTL		24.000
	6. Apoia estabelesimentu no operasionalizasaun dalan referál no sistema monitorizasaun.					MS	MSS	10.000
	7. Reve no hafoun pakote formasaun médiku forense ne'ebé eziste atu aliña ho pakote Servisu Esensiál no matadalan nasionál.					MS	PRADET	10.000
	8. Fornese programa desenvolvimentu kapasidade kona-ba servisu legál-médiku nian sira (medisina forense) ba profisionál saúde na'in					MS		130.000

	tolu (3)/tinan ho apoia husi paíz seluk ruma.							
	9. Introduz ferramenta supervizaun no relatóriu HMIS (ne'ebé garante anonimidade no konfidensialidade) ba facilidade saúde nian hotu, inklui óspital (6), Sentru Saúde Komunitária (68) no Postu Saúde (252), atu garante forneseментu Suporta Liña Dahuluk.						MS	10.000
	10. Estabelese iha facilidade/instalasaun saúde sira mak prioritizada tiha ona fatin atu fornese LIVES no komponente sira seluk husi pakote servisu saúde esensiál ne'ebé presiza hodi garantia konfidensialidade no privasidade.						MS	100.000
	11. Apoia operacionalizasaun Fatin Hakmatek lima (5) mak iha Dili, Maliana, Suai, Baucau, no Oecusse atu garante tratamentu diak, seguransa, akonsellamentu, avaliasaun, no garante koordinasaun referál ba vítima/sobrevivente sira.						MS	PRADET 2.792.900
	12. Dezeña no distribui ba facilidade saúde sira hotu poster no pamfletu sira kona-ba VBJ no servisu sira mak disponivel ba vítima/sobrevivente sira.						MS	PRADET 25.000
Rezultadu 2.2- Vítima/sobrevivente sira-nia asesu ba hela fatin no Uma Mahon ne'ebé seguru, no sensitívél jéneru haforsa liután.	1. Hala'o mapeamentu ida hodi determina fatin hitu (7) ne'ebé atu estebelese Uma Tránsito/Fatin hakmatek ba tempu badak, konsidera asesu ba uma mahon ba vítima/sobrevivente sira hotu, inklui sira-ne'ebé ho nesesidade espesiál, hanesan problema saúde mentál no defisiénsia fizika, no ne'e aliña ho matadalan global kona-ba Pakote Servisu Esensiál ba Feto no Labarik sira ne'ebé Hetan Violénsia.						MSS	FOKUPERS PRADET Casa Vida Uma Paz Baucau Uma Mahon Salele Uma Mahon Luzeiro 5.040

<p>Indikadór ba Rezultadu 2.2.1: Númeru <i>vítima/sobrevivente sira mak utiliza ona servisu apoiu sosiál nian kada tinan</i></p> <p>Linha de Base: <i>La iha, prezisa kolekta dados</i></p>							(Lautem) FEEO		
	2. Estabelese Uma Tránzitu tolu (3) iha faze 1, tuir izersisiu mapeamentu no fó formasaun ba funsionáriu sira iha asisténsia vítima sira, SOP, no sistema referál.						MSS		24.393
	3. Operasionaliza Uma Tránzitu tolu (3) inklui sira ne'ebé iha faze 1 tuir mapeamentu, atu garante alojamentu emerjénsia, no hela fatin kurtu prazu ne'ebé iha ambiente ida seguru, responsivu no sensível jéneru.						MSS		191.193
	4. Estabelese Uma Tránzitu haat (4) iha faze 2 tuir mapeamentu no fó formasaun ba funsionáriu kona-ba asisténsia vítima, POP, no sistema referál.						MSS		32,524
	5. Operasionaliza Uma Tránzitu haat (4) inklui iha faze 2 tuir mapeamentu, atu garante alojamentu emerjénsia, no hela fatin kurtu prazu ne'ebé iha ambiente ida seguru, responsivu no sensível jéneru.						MSS		254.924
	6. Hadi'ak Uma Mahon sira ne'ebé iha ona, hadi'ak sira nia servisu fornese alojamentu privadu no konfidensiál ne'ebé gratuita no asesível ba vítima/sobrevivente sira.						MSS	FOKUPERS Casa Vida Uma Mahon Salele Uma Mahon Luzeiro FEEO Uma Paz Baucau	344.400

	7. Estabelese POP ba Uma Mahon hotu, inklui halo protokolu, kritéria padronizadu kona-ba simu ema iha uma mahon, no formasaun ba pesoál sira aliña ho Pakote Servisu Esensiál ba Feto no Labarik Feto ne'ebé Hetan Violénsia.						MSS	FOKUPERS Casa Vida Uma Mahon Salele Uma Mahon Luzeiro FEEO Uma Paz Baucau	11.081
	8. Operasionaliza POP ba Uma-Mahon hotu, inklui halo protokolu no formasaun ba pesoál sira.						MSS	FOKUPERS Casa Vida Uma Mahon Salele Uma Mahon Luzeiro FEEO Uma Paz Baucau	64.855
	9. Estabelese POP ba Uma Tránzitu tolu (3) iha faze 1, inklui halo protokolu, no formasaun ba pesoál sira.						MSS		4.749
	10. Operasionaliza POP ba Uma Tránzitu tolu (3) iha faze 1, inklui halo protokolu, no formasaun ba pesoál sira.						MSS		7.020
	11. Estabelese POP ba Uma Trázitu haat (4) iha faze 2, inklui halo protokolu, no formasaun ba pesoál sira.						MSS		6.332
	12. Tau transporte entre Munisípiu no Suku sira, atu garante katak vítima/sobrevivente sira iha asesu ba prestadór servisu.						MSS	MS MI	99.892

	13. Implementa POP no protokolu jestaun kazu ne'ebé MSS, SEM, MS, no MI utiliza.					MSS	SEM MS MI	37.180	
	14. Operasionaliza POP ba Uma Tránsito haat (4) iha faze 2, inklui halo protokolu, no formasaun ba pesoál sira.					MSS		2.340	
<p>Rezultadu 2.3 – Vítima/sobrevivente sira nia asesu ba informasaun adekuadu kona-ba krize, no akonsellamentu (inklui apoiu psiko-sosial) sai aumenta liután.</p> <p>Indikadór ba rezultadu 2.3.1: <i>Númeru husi prestadór servisu mak fornese ona informasaun ba vítima kona-ba servisu atendimentu vítima no akonsellamentu</i></p> <p>Linha de Base: <i>La iha, prezisa kolekta dados</i></p> <p>Indikadór ba rezultadu 2.3.2: <i>Númeru husi prestadór servisu ba vítima mak fornese apoiu psiko-sosial ba vítima</i></p> <p>Linha de Base: <i>La iha, prezisa kolekta dados</i></p>	1. Harii fatin ida disponível ba Diresaun Nasionál Dezenvolvimentu Sosiál (DNDS) nia funsióariu sira atu simu no fahe informasaun kona-ba krize no akonsellamentu ba vítima/sobrevivente sira (inklui apoiu psiko-sosial) iha munisípiu hotu-hotu.					MSS		41.405	
	2. Operasionaliza fatin ida ne'ebé disponível ba DNDS nia funsióariu sira atu simu no fahe informasaun kona-ba servisu atendimentu vítima no akonsellamentu (inklui apoiu psiko-sosial) ba vítima/sobrevivente sira iha Munisípiu hotu.						MSS		615.992
	3. Estabelese medida lojística ne'ebé nesesáriu ba pesoál servisu sosiál na'in tolu (3) ne'ebé mak disponivel iha munisípiu ida-idak hodi fó akonsellamentu no apoiu psiko-sosial ba vítima/sobrevivente regularmente, inklui dezenvolvimentu protokolu no formasaun.						MSS		58.308
	4. Serbisu-nain sira husi servisu sosiál nian mak iha Munisípiu sira disponivel atu hato'o akonsellamentu no apoiu psiko-sosial ba vítima/sobrevivente regularmente, inklui dezenvolvimentu protokolu no formasaun.						MSS		100.596
	5. Fó formasaun ba prestadór servisu sira kona-ba atende kliente sira ne'ebé mak deficiente ka						MSS		8.000

	iha nesesidade espesiál.							
	6. Estabelese liña telefónica nasional kona-ba violénsia hodi fó informasaun kona-ba direitu, prestadór servisu, akonsellamentu ba vítima/sobrevivente sira, no oinsa refere ba prestadór servisu, tuir liña matadalan global kona-ba Servisu Esensiál ba Feto no Labarik Feto ne'ebé Hetan Violénsia.					MSS	SEM	103.037
	7. Operasionaliza liña telefónica nasional hodi fó informasaun kona-ba direitu, prestadór servisu no akonsellamentu ba vítima/sobrevivente sira.					MSS	SEM	70.782
	8. Dezenvolve no fahe informasaun ba comunidade no oinsa bele atinje to'o ba iha Munisípiu hotu kona-ba direitu vítima/sobrevivente sira-nia no servisu ne'ebé mak iha.					SEM	Fundasaun Alola	
Rezultadu 2.4 – Medida sira atu fasilita vítima/sobrevivente nia independénsia ekonómika, rekuperasaun no autonomia reforsa liután. Indikadór ba Rezultadu 2.4.1: <i>Númeru vítima/sobrevivente ne'ebé iha ona asesu ba programa reintegrasaun sosiál kada tinan</i> Linha de Base: <i>La iha, prezisa</i>	1. Dezenvolve polítika nasional ida hodi implementa Lei Kontra Violénsia Doméstika ne'ebé relaciona ho manutensaun ekonómika ba reintegrasaun vítima/sobrevivente sira.					MSS	SEM ALFeLa	25.000
	2. Dezeña no implementa formasaun profisional ne'ebé sensível jéneru ba vítima/sobrevivente sira ne'ebé mak hetan asisténsia husi MSS.					SEPFOPE	Fundasaun Alola	167.897
	3. Apoia ONG sira atu implementa programa kria rendementu, ho haraik buat ruma espesífiku ba vítima/sobrevivente sira mak hetan asisténsia husi MSS.					MSS		50.000

<i>kolekta dados</i>	4. Advokasia ba aprovasaun Dekretu-Lei ida kona-ba reintegrasaun sosiál, ne'ebé identifika mekanizmu reintegrasaun ba vítima/ sobrevivente sira.						MSS	SEM	10.000
Kustu Totál Pilar II									5.648.840

PILAR III									
ASESU BA JUSTISA ba vítima/sobrevivente sira husi Violénsia Bazeia ba Jéneru									
Rezultadu 3: Garante katak vítima/sobrevivente sira-nia direitu sira hetan protesaun tomak liuhusi sistema justisa formál no lori autóer sira ba tribunál Indikadór ba Resultadu 3.1: Númeru vítima/sobrevivente VBJ sira mak hato'o ona keixa ba Unidade ba Ema Vulneravel Indikadór ba Resultadu 3.2: Númeru kazu VBJ sira mak refere ona ne'ebé hetan investigasaun, prosekusaun no kastigu Indikadór ba Resultadu 3.3: Númeru husi kazu sira VBJ nian mak hetan ona desizaun judisial husi primeira instansia tuir Sistema justisa formál. Indikadór ba Resultadu 3.4: % husi kazu violénsia doméstika ne'ebé hetan julgamentu ne'ebé maka selu fila (compensation) vítima natoon husi violénsia doméstika kada tinan									
Rezultadu ne'ebé hakarak atu hetan	Asaun Foku Sira	Prazu					Institusaun Pontu Fokál	Parseiru Kolaboradór	Orsamentu Totál Indikativu ba períodu tinan 5 (USD)
		2017	2018	2019	2020	2021			
Rezultadu 3.1 – Enkuadramentu legál nasionál atu proteje vítima/sobrevivente VBJ sira, tuir padraun internasionál sira sai forte liu. Indikadór ba Resultadu 3.1.1: Númeru husi lei no polítika sira mak aliña ho padraun internasionál sira hodi proteje vítima/sobrevivente VBJ	1. Identifika reformasaun ne'ebé presiza no promove reformasaun enkuadramentu legál nasionál atu proteje fetu ho labarik sira ho di'ak liután. Inklui amenda Kódigu Penál no LKVD.						MJ	GMPTL GPM ALFeLa	25.000
	2. Hamosu lejislasaun ne'ebé obriga tribunál atu publika desizaun sira iha eskrita kona-ba kazu violénsia doméstika no kazu violénsia seksuál sira hotu.						SEM	MJ GPM	10.000

<p><i>sira.</i></p> <p>Linha de Base: 0</p>									
<p>Resultado 3.2 – Asesu vítima/sobrevivente VBJ sira nian ba informasaun kona-ba direitu, servisu no assisténsia legál, inklui akompañamentu iha prosesu legál sai di'ak liután.</p>	<p>1. Hala'o atividade informasaun pública no konxensializasaun kona-ba direitu, prosidementu, no servisu sira mak disponível ba vítima/sobrevivente sira, enkoraja atu hato'o keixa kona-ba krime VBJ sira.</p>					SEM	FOKUPERS Fundasaun Alola ALFeLa PRADET AMKV MVF	80.000	
<p>Indikadór ba Resultadu 3.2.1: <i>Númeru husi sobrevivente VBJ nian ne'ebé iha asesu ba servisu assisténsia legál mak hato'o husi organizasaun assisténsia legál sira kada tinan.</i></p> <p>Linha de Base: <i>La iha, prezisa kolekta dados</i></p>	<p>2. Fó apoiu informasaun kualidade di'ak liu no assisténsia legál gratuita ba vítima VBJ sira.</p>					Defensoria Pública		80.000	
<p>Resultado 3.3 – Kapasidade kona-ba servisu polísia nian, prosidementu legais, no instituisaun atu garante prestasaun servisu sira-ne'ebé sensitível jéneru, seguru, asesível, gratuitu no responsivu ba vítima sira sai di'ak liután.</p>	<p>1. Dezenvolve Manuál Prátika ida Diak Liu kona-ba jere kazu VBJ sira no hala'o formasaun ba polísia kona-ba oinsa utiliza manuál ida-ne'e, inklui asuntu sira kona-ba oinsa responde ba vítima/sobrevivente sira, dalan referál, téknika investigasaun espesial, protokolu médiku forense, no POP espesífiku sira iha UEV sira.</p>					MI/PNTL	Sentru Formasaun Polísia	200.330	
<p>Indikadór ba Resultadu 3.3.1: <i>Satisfasaun husi fetu no</i></p>	<p>2. Estabelese fatin seguru iha UEV sira hotu, ho rekursu materiál adekuaudu no pesoál treinadu sira, inklui formasaun pesoál, no halo protokolu kona-ba kaer metin nafatin pesoál UEV sira</p>					MI/PNTL	PNTL UEV	71.812	

<p><i>feto-oan sira no labarik sira mak hetan ona atendentu husi UEV no Prokuradória Jerál sai aumenta tan.</i></p> <p>Linha de Base: <i>La iha, prezisa kolekta dadus</i></p> <p>Indikadór ba Resultadu 3.3.2: <i>Durasan tempu ba refere kada kazu VBJ husi UEV ba Tribunal</i></p> <p>Linha de Base: <i>La iha, prezisa kolekta dadus</i></p> <p>Indikadór ba Resultadu 3.3.3: <i>Eziste ona protokolu kona-ba mantein nafatin pesoál UEV nian hodi atende kazu VBJ ho efetivu</i></p> <p>Linha de Base: <i>La eziste protokolu</i></p>	ne'ebé xave no balansu jéneru.							
	3. Operasionaliza fatin seguru iha UEV sira hotu ho rekursu materiál adekua no pesoál treinadu sira, inklui formasaun pesoál.					MI/PNTL	PNTL UEV	873.795
	4. Produz matadalan ba prokuradór sira kona-ba oinsa jere kazu violénsia doméstika no violénsia seksuál, inklui halo akuzasaun apropriadu ida bazeia ba sirkunstánsia agravante, evidénsia ne'ebé tenke apresenta, no aplika kompensasaun sivil no orden protesau.					PJR		100.000
	5. Presiza hala'ó formasaun iha tinan-tinan ba prokuradór sira hotu kona-ba oinsa prosedimentu legais ba kazu VBJ sira.					CFJJ (MJ)	PJR	40.000
<p>Resultadu 3.4 - Kapasidade autór judisiariu sira-nia aumenta tan atu garante protesau sensível jéneru no kompensasaun ba vítima/sobrevivente sira, nune'e mós atu asegura kriminozu hetan kastigu ne'ebé merese duni.</p> <p>Indikadór ba Resultadu</p>	1. Harii sala hein fatin ne'ebé seguru iha Tribunal Munisipal Dili no Tribunal Munisipal Baucau, inklui fasilidade toilet ne'ebé seguru ba vítima/sobrevivente sira.					Tribunál Munisipál Dili no Tribunál Munisipál Baucau	29.016	
	2. Hadi'ak sala hein fatin iha Tribunal Munisipál Suai no Oecusse, inklui konstrui toilet ne'ebé seguru ba vítima/sobrevivente sira.						Tribunál Munisipál Suai no Tribunál	14.672

<p>3.4.1: % defensor públiku feto no mane ne'ebé iha koñesimentu ona kona-ba VBJ, LKVD, POP kona-ba prosesu referál</p> <p>Linha de Base: La iha, prezisa kolekta dados</p> <p>Indikadór ba Resultadu</p> <p>3.4.2: % Juíz feto no mane ne'ebé iha ona koñesimentu kona-ba VBJ, LKVD, POP kona-ba prosesu referál</p> <p>Linha de Base: La iha, prezisa kolekta dados</p> <p>Indikadór ba Resultadu</p> <p>3.4.3: % prokuradór feto no mane ne'ebé iha ona koñesimentu kona-ba VBJ, LKVD, POP kona-ba prosesu referral</p> <p>Linha de Base: La iha, prezisa kolekta dados</p>							Munisipál Oecusse			
	3. Hala'o formasaun iha tinan rua-rua ba autór judisiáriu foun sira kona-ba VBJ, enkuadrantu legál, POP kona-ba prosesu referál, no protesaun ba vítima/sobrevivente sira.							CFJJ (MJ)		82.190
	4. Produz matadalan ba Tribunál sira kona-ba atende kazu violénsia doméstika no violénsia seksuál nian. Matadalan sira ne'e deskreve medida protesaun sasin-na'in sira tuir Kódigu Prosidentu Kriminál, aplikasaun fator agravante iha prosesu julgamentu, no orden sira seluk tan mak hanesan artigu 38(2) husi LKVD.							MJ		25.000

<p>Rezultadu 3.5 – Haforsa ona programa sira ba rehabilitasaun ba autór sira atu la repete tan hahalok krime.</p> <p>Indikadór ba Resultadu 3.5.1: <i>Númeru autór sira ne'ebé kastigu tanba VBJ mak hetan programa rehabilitasaun.</i></p> <p>Linha de Base: <i>La iha, prezisa kolekta dados</i></p>	<p>1. Fó fundu pilotu ba programa rehabilitasaun abranjente no bazeia ba evidencia ba autór sira.</p>						<p>MJ</p>		<p>100.000</p>
<p>Kustu Totál Pilar III</p>									<p>1.731.815</p>

**PILAR IV
KOORDENASAUN, MONITORIZASAUN NO AVALIASAUN**

Rezultadu 4: Garante koordinasaun, monitorizasaun, avaliasaun implementasaun PAN-VBJ ne'ebé efikás no efisiente

Indikadór ba Resultadu 4.1: Númeru Liña-Ministériu xave no Instituisaun sira implementa PAN-VBJ nia asaun sira tuir planu no orsamentu anuál

Indikadór ba Resultadu 4.2: Alokasaun orsamentu husi PAN-VBJ kada tinan

Rezultadu ne'ebé hakarak atu hetan	Asaun Foku Sira	Prazu					Institusaun Pontu Fokál	Parseiru Kolaboradór	Orsamentu Totál Indikativa ba períodou tinan 5 (USD)
		2017	2018	2019	2020	2021			
Resultadu 4.1 – Koordinasaun entre parte interesada PAN-VBJ sira sai di'ak liután. Indikadór ba resultadu 4.1: <i>Iha ona resolusaun Governu hodi kria Komisaun Inter-Ministeriál foun atu monitoriza no kordena PAN-VBJ</i> Linha de Base: <i>Iha ona</i>	1. Desenvolve no implementa termu referénsia sira ne'ebé klaru ba “Rede Referál – Grupu traballu advokasia”, atu asegura estratéjia efikás ba koordinasaun parseria no resposta ne'ebé integradu ba átor sira halo intervensaun primária (iha nível nasional no munisipál)						SEM	Fundasaun Alola FOKUPERS ALFeLa	20.000
	2. Desenvolve no implementa termu referénsia sira ne'ebé klaru ba “Rede Referál – Grupu traballu prestadór servisu”, atu asegura estratéjia efikás ba koordinasaun prestadór servisu sira no resposta integrada (iha nível nasional no munisipál)						MSS	MJ GPM	20.000

<i>Rezolusaun Governu 21/2012 katak kria Komisaun Inter- Ministeriál</i>	3. Organiza grupu traballu Rede Referál iha nível nasionál fulan ida dala ida.						MSS	SEM	40.000	
	4. Hala’o sosializasaun no formasaun ba “Rede Referál – Grupu traballu prestador servisu” atu garante resposta integrada ba átor sira hotu mak envolvidu iha PAN-VBJ.							SEM		60.000
	5. Dezenvolve kapasidade kona-ba sistema partilla informasaun no jestaun kazu entre servisu saúde, uma mahon, polísi, sistema judisiál no servisu relevante sira, atu garante sseguransa no konfidensialidade vítima/sobrevivente nian, konsente informadu no akuntabilidade husi autór sira.							SEM	MJ	80.000
	6. Kria Komisaun Inter-Ministeriál atu asegura inklusaun parseiru nesesáriu ba koordenaun efikás PAN-VBJ hanesan GPM, SECOMS, SEPFOPE, MAE, MF, UNTL, DP, MCIA, Prokuradoria Jerál no parseiru sira seluk.							SEM	Komisaun Inter-Ministerial	5.000
	7. Hala’o enkontru ba Komisaun Inter-Ministeriál dala tolu (3) kada tinan ida, atu hare tuir kona-ba koordenaun husi atividade sira, tempu implementasaun, no identifikasaun ba dezafiu iha implementasaun PAN-VBJ.							SEM	Komisaun Inter-Ministerial	25.000
	8. Hala’o atividade dezenvolve kapasidade, liuhusi “Rede Referál – Grupu traballu prestador servisu”, iha nível nasionál no munisipál, kona-ba POP no jestaun kazu ne’ebé mak prestador servisu sira sei uza, inklui halibur, jestaun no partilla eficiente dadus kona-ba violénsia bazeia ba jéneru							MSS	SEM	40.000

	(estabelese iha Resultadu 2.5.3).									
	9. Dezeña no implementa estratéjia komunikasaun ba PAN-VBJ, inklui kampaña konxensializasaun.						SEM	50.000		
<p>Resultadu 4.2 – Monitorizasaun, relatóriu, avaliasaun, no alokasaun orsamentu husi PAN-VBJ aumenta.</p> <p>Indikadór ba Resultadu 4.2.1: % husi orsamentu indikativu PAN – VBJ hetan ona alokasaun fundu.</p> <p>Linha de Base: Iha 2017 la iha dadus</p> <p>Indikadór ba Resultadu 4.2.2: Produz ona relatóriu anuál ba Parlamentu Nasionál kona-ba PAN-VBJ</p> <p>Linha de Base: Iha 2016 relatóriu la iha</p> <p>Indikadór ba Resultadu</p>	1. Promove kompromisu nível altu kona-ba monitorizasaun implementasaun husi PAN-VBJ, hodi bele apoia esforsu SEM nian atu fó resposta multi-setorál ba vitima/sobrevivente violénsia bazeia ba jéneru, no aloka orsamentu liuhusi Planu Asaun Anuál Liña-Ministériu prinsipál sira aliña ho Rezolusaun Orsamentu Sensível Jéneru.						UPMA (GPM)	SEM	8.000	
	2. Halo advokasia atu hadia Dekretu-Lei 22/2015, kona-ba Unidade Planeamentu, Monitorizasaun no Avaliasaun (UPMA) iha GPM nia laran.							SEM	UPMA (GPM)	-
	3. Desenvolve no implemeta instrumentu ba monitorizasaun no avaliasaun integradu atu facilita ligasaun ho GPM (UPMA), nu'udar parseria nível altu hodi monitoriza implementasaun PAN-VBJ.							SEM	UPMA (GPM)	25.000
	4. Desenvolve termu referénsia sira no hala'o formasaun ba Liña-Ministeriu prinsipál sira (Departamentu Planeamentu) kona-ba PAN-VBJ, monitorizasaun, avaliasaun, relatóriu no orsamentu sensível jéneru.							SEM		20.000

<p>4.2.3: <i>Produz no publika ona relatóriu kona-ba avaliasaun finál.</i></p> <p>Linha de Base: <i>Iha 2015, relatóriu avaliasaun produz ona</i></p>	<p>5. Define no implementa Karta Entedimentu ho organizasaun sosiedade sivil tolu (3) atu hamutuk lidera prosesu monitorizasaun PAN-VBJ nian hamutuk ho SEM, hamosu matadalan klaru kona-ba kna'ar no responsabilidade sira.</p>						SEM	Fundasaun Alola FOKUPERS ALFeLa	10.000	
	<p>6. Hakerek no hato'o relatóriu regulár kona-ba implementasaun no progresu husi PAN-VBJ nian ba Parlamentu Nasionál, no halo relatóriu ne'e disponivel ba sosiedade sivil no públiku jerál.</p>							SEM	Komisaun Inter-Ministeriál	10.000
	<p>7. Apoia avaliasaun sira ba iniciativa sira atu asegura implementasaun PAN-VBJ ida ho efikás, nune'e mós atu promove envovimentu nasional.</p>							SEM	Komisaun Inter-Ministeriál	50.000
	<p>8. Dezenvolve no estabese baze-de-daduz ida <i>online</i> ba prestador servisu sira hodi monitoriza kazu, inklui formasaun ba funsionariu sira kona-ba oinsa utiliza baze-de-dadus ne'e.</p>							MSS	SEM MS MI	13.143
	<p>9. Organiza meza-redonda iha tinan-tinan ba doador sira atu apoia implementasaun PAN-VBJ.</p>							SEM	Komisaun Inter-Ministeriál Grupu Traballu Koordenasaun Jéneru	20.000

	<p>10. Dezenvolve no implementa sistema monitorizasaun no avaliasaun ida abranjente atu hadi'ak rekollamentu dadus dezagregadu jéneru hodi avalia impaktu no efikásia husi polítika no programa Orsamentu Sensível Jéneru ne'ebé mak promove feto hodi goza sira-nia direitu iguál ho mane sira.</p>						UPMA (GPM)		114.000
Kustu Total Pilar IV									610.143